山庫全幸

史部

欽定四庫全書陕西通志卷一百

史部

詳校官監察御史臣劉 涓 檢討臣德生覆勘

總校官降調編修臣倉聖 脉 校對官中書匠盧 勝録監生 日本

遂

坤

友巴田巨人子 到 使以免服衰經逆且 如聞晉侯将至以太 死夕以入則朝以死 鑒戒

戎使由余觀泰繆公退問內史廖曰孤聞鄰國有聖 溅虎虎不敢動 秦王大怒置朱玄虎圈中玄瞋目視虎目皆皆裂血出 列士傳曰秦昭王會魏王魏王不行使朱亥奉璧一 罷敝恐畏秦果獻西河之外戰 楚攻魏張儀曰不如與魏以勁之魏戰勝復聴於秦必 國之憂也今由余賢奈何廖曰戎王處僻匿未開中 西河之外不勝魏不能守王必取之王用儀言魏兵 注水 經 國 雙

大臣马里 白生 莫遣以失其期戎王怪之必疑由余君臣有問乃可虜 仲雖為俠而後遜有退讓君子之風快傳 籍福之屬皆為中司馬中尉郅都不敢不加禮少年 關中長安樊仲子槐里趙王孫長陵高公子西河郭公 國之聲君武女樂以奪其志為由余請以疎其問留而 季布者楚人也弟季心氣蓋關中長事素絲弟畜灌 由 也緣公曰善令廖以女樂二八遺戎王戎王受而悅之 余數諫不聽遂降秦史記奉 陝西通志

鹽氏出梢千金貸其息什之三月 吴楚平 賣貸子錢家子錢家以為關東成敗未決莫肯與唯母 時時竊籍其名以行當是時季心以勇布以諸者聞關 ヨワロアとこ 母鹽氏關中人吳楚兵起長安中列侯封君行從軍旅 段紀明久為邊將威震西土其後賈詡察孝廉為郎以 母鹽氏息十倍用此富關中班部質 疾病去官西還至汧道遇叛氐同行數十人皆為所執 本史 傳記 歳之中

忠獨當一 次已四百百日 楊忠華陰人小名奴奴召居帳下嘗從太祖狩於龍門 龜元 翊 十車達以軍事急颠竟重者一 賈達傳 祖征劉備先遣達至斜谷觀形勢道逢水衛載囚 甥假以想氏氏果不敢害與盟而送之其餘悉死 曰我段公外孫也汝别埋我我家必厚贖之調實非 猛獸左挾其腰右拔其舌太祖壯之北臺謂 陕西通志 人皆放其餘太祖善

追之不及又遣取丹陽公主鏤金函枕飛入內室以 忌令其守備其夜見一 吉莫靴走上磚城且至女墙手無攀引又以足蹈 撫公主面上舉頭即以他枕易之而去至 晚始覺當著 唐柴給之弟某有材力輕趫迅捷踊身而上挺然若飛 猛獸為揜于因以字之周書 餘步乃止太宗令取趙公長孫無忌鞍韉仍先報無 一越百尺樓間了無障礙太宗奇之 物如烏飛入宅內割雙難而 楊 佛 去 手

改定四車全事 四 狀驚懼鞭撻行典乃祈求於告事者曰李靖反狀分明 馬周初入京至霸上逆旅数公飲酒不顧周周市斗酒 李靖為岐州刺史人或告其謀反高祖命御史按之謂 曰靖反且實便可處分御史知其証同行數驛伴失告 奏請不坐的 於御史驗與本狀不同即日還以聞高祖大熊御史具 親奉進古今失告狀幸救其命更請狀告事者乃疏狀 日此人不可處京邑出為外官時人號為壁龍於中 陕西通志

濯足聚異之程公 中書舎人郭正一破平壤得一高麗婢名玉素極殊艷 脊爛求賊 鼎沸三日不獲不良主師超袒有策略取舍 得并失金銀器物十餘事錄奏勅令長安萬年捉不良 今專知財物庫正一夜須漿水粥玉素乃毒之而進正 人問十日內已来何人愈舍人家衛士云有投化萬鹽 人家奴選年少端正者三人布衫龍頭至街鄉衛士四 急曰此婢藥我索土聚甘草服之良久乃解竟婢不 Ł

九三四日 山山 書生殺職備饌與語磊落不凡問其姓名乃王琚也自 是上每游韋杜必過据家該議及韋氏專制密言於据 密打鎖破開之婢及高麗並在其中拷問乃是投化高 宅更無語不良往金城坊空宅並搜之至一宅封鎖甚 麗共捉馬奴藏之奉敕斬於東市飲野 上藩邸時戲游城南有書生延上過其家家貧止一 留書遣付舍人捉馬奴書見在檢云金城坊中有 曰亂則殺之又何疑也上遂納琚謀戡定禍難累拜中 陕西通志

金元口尼石雪 書侍郎實預配享聞天你 皆為土塊以狀聞府遣吏按其事军邑者莫能自白遂 去甚急夷簡入白刺史曰開京城有故此使必非朝 李相夷稍未登第時為鄭縣及涇軍之亂有使走驢東 署宰邑者慮公藏主守不嚴置於私室信宿重開視之 李汧公鎮鳳翔屬邑民因耨田得馬蹄金一瓮送於縣 以易金伏罪時袁相公滋在幕中疑此事汧公曰非判 請執問之果朱此使於朱滔者爾史 ថ

欽定四軍全書 年揖士人而過色甚恭後數日又逢二人揖之請行士 間得三十五塊詰其初獲者即本質在馬遂於列肆索 官莫探情偽素相曰諾因俾移獄府中按問乃令閥乳 開元中吳郡士人入京應明經至京間步曲坊逢二少 錄劇 金鎔寫與塊形等既成拜其半己三百斤矣詢其負擔 可舉明其即路金已化土矣於是羣情大豁军遂獲雪 談 力二農工界至縣境計其員金大數非二人以竹擔 FE ·陕西通志

驚惶不安又數日途中復見二人曰欲假駁騎可乎 女子垂車至容色甚佳二人羅拜女亦不答揖客入宴 有行於壁上者有手緣樣行者少頃女子起辭士人出 行於壁上不數步而下女乃顧坐中諸少年各今呈技 酒數巡女子棒盃問士人曰聞君有妙技肯賜觀乎士 人許之至明日聞宫苑中失物掩捕其賊惟收得馬驗 遊謝曰其但能看靴於壁上數步女曰請試之士起 強隨之至其處舍字極整升堂列選甚盛及午見 沙上四重白事 韓胡少負才名天實未舉進士居長安隣有李将軍效 繁女身眷然飛出宫城去門數十里乃下劍俠 問馬主遂收士人入内勘問驅入小門吏自後推之 如烏飛下覺至身乃人也以手撫士曰母驚其在無慮 落深坑仰望屋頂惟見一孔深夜悲惋之極忽見一 名士柳氏當今名色以名色配名士不亦可乎韓懇辭 柳氏李每至必邀韓同飲一日酒酣謂韓曰秀才當今 也聽其聲則向女子也用絹重縛士人胸膊竟以絹頭 陝西通志 Ł

世方擾不敢以柳自隨置于都下期至而近之連三歲 李卒投之韓來歲成名淄青節度侯希逸奏為從事以 金万里五人 得負外手筆數字當立致之韓與之後乃急裝乘 利所初翊悵然不能割一 之有虞侯將許俊年少被酒起曰俊嘗以義烈自許願 曰韓員外風流談笑未當不適今日何條然即韓具話 不果过後翊隨侯希逸入朝尋訪不得已為酱將沙 馬而馳逕趨沙吒利之第會吃利出即以白日将 日淄青大校置酒邀韓座

千疋柳氏却歸韓則外史章 火足少事公告 修表上聞深罪沙吒利代宗御批曰沙吒利宜賜絹二 故希逸扼脫奪解曰此我往日所為事俊乃能爾乎立 軍墜馬且不救遣取柳夫人柳騰出即以韓札示之挾 利初立功代宗方優借大懼禍作閣坐同見希逸白其 上馬絕馳而去座未罷以柳氏授韓曰幸不辱命時吒 哲宋令文馮師本角力博通堅卧命三人奪其枕三人 唐彭先覺叔祖博通膂力絕倫當於長安與在士魏弘 陕西通志

寶教坊樂工也上皇時數登此每來與必集樓上號隨 林降陷就月於庭酒祖之類略無傾瀉御史 伎藝人悉搜羅之而緑衣者果在其中話之對曰某天 必得出召幹事於春明門外數里內應有諸司舊職事 之尹名萬年捕賊官李錡使促求訪李尉行立思之日 下仰視久之從而東去上立造宣示京尹命以物色求 德宗初登勤政樓外無知者望見一人衣緑乗驢至樓 力極冰脚盡折而枕不動當與家君同飲會與獨持兩 彥 人已日日日日 司 實曰奈何曰無傷也請往解之孝德使數十人從行秀 史段秀實自請補都虞孝德從之既署一月晞軍士十 郭晞在邠州縱士卒為暴節度使白孝德患之涇州刺 人首注與上植市門晞一管大課盡甲孝德震恐召秀 七人入市取酒以刃刺酒翁壞釀起秀實列卒取十七 劫盡收此輩李尉亦為京尹擢用後至郡守與話 先宛如昔時心知聖人在上悲喜且欲泣下以此奏聞 駕老鸱其自罷居城外更不復見今羣鴟威集又覺景 陕西通志

金灰巴尼 讓之口副元即數塞天地當念終始今常侍恣卒為暴 重千斤節指而告人曰吾能提此而擲之人不信節遂 有江節者其母避症於村西禄田寺金剛下因假寐感 畢晞再拜叱左右解甲散還伍柳宗元段太 笑且入曰殺一老卒何甲也吾戴吾頭來矣晞出秀實 行且致亂亂則罪及副元帥郭氏功名存者幾何言未 實盡解去選老健者一人持馬至晞門下甲者出秀實 而生節節有神力入長安行到東渭橋橋邊有石鄉子 巷

欠三日月三十二 貞元中有常自東當遊太白山棲止段将軍莊段素知 其肚勇一日眺望山谷段將軍曰昔二僧居山頂聞熊 自東怒曰今夕必挈夜义首至門下遂仗劍奮衣捫雜 者說僧為怪物所食又聞人說有二夜义亦無人敢窺 終下無壓重之色德宗甚龍惜之歐州 文方木于碾上上又置一床上坐<u>龜兹樂人一部奏</u>曲 尋薦入禁軍補神策軍將當對御俯身負一石碾置二 柳子投之丈餘衆駭異遂貼請節又提而致之故地

陝西通志

金与巴尼白量 义繼至亦哮吼觸扉復路于戶閩又揭之亦死遂掩 樹 京鹿而食及明斷二夜义首示段段大駭曰真周處之 多掛野彘玄熊或庖皮之餘自東度夜义未至遂拔 至怒其高鐍大叫以首觸門折石佛而路於地自 徑如碗為杖局其户以石佛拒之夜未分夜义挈 石至精舍見佛堂內細草革革似有巨物偃寢四 柏樹撾其腦死而拽之入室又闔其扉項之復有 栢

久心可言 /xi 夫須知劍術引章入後院指行李曰聊相試耳又出桶 相逐漸個樹杪韋乃投於拜乞命風雷漸息韋顧樹枝 懼策馬行有項風雷驟至章下馬負大樹見空中雷電 里天晚有人尾之韋叱不應連發失中之不退失盡韋 日勿夜行此地多盗章云某留心弘夫無虞也因行數 唐韋行規少遊京西幕止店中既而欲無程歸第老人 葉剪擊盡矣行李胥失遂返前店老人笑曰客勿恃弓 片昨夜之箭悉中其上常請學其術不許例使 陕西通志

金片四月年書 首專殺之罪亦作狀白南仲遂自殺明旦門不啟驛吏 宿中夜殺之沈盈珍表於風中自作表雪南仲之宽且 之最夜無行追及務盈于長樂驛按長樂驛唐與之 程務盈乗驛誣奏南仲罪牙將曹文治亦奏事長安知 義成監軍薛盈珍欲奪節度使姚南仲軍政乃遣小吏 排之入得表狀於文治尸旁上聞而異之徵盈珍入 鑑通 唐大歷中有崔生者其父為顯僚與蓋天之數臣 卷一百 品品 朝 同

去一品命紅綃送出院時生回顧妓立三指又反掌者 老奴生具告之又白其隱語磨勒曰立三指者宅中十 食時家有崑崙奴磨勒顧謂曰郎君心中有恨何不報 三然後指智前小鏡子云記取生歸恍然凝思日不 者熟生時為干牛父使往省一品疾生少年容貌如玉 院歌姬此第三院耳反掌三者數十五胸前小鏡子十 沃以甘酪而進一品命衣紅綃妓者擎一頭與生食解 品析然命坐與語時三妓居前以金國貯鄉桃學之

改之四年全事 一

陕西通去

生回賢爪牙既有神術何妨為脫程牢所願既伸錐死 此生具告磨勒之謀姬召入以金甌酌酒而飲之徐白 生寒簾而入姬雖下榻執手曰郎君有何神術而能至 重垣至第三院編戶不高金紅微明惟聞效長嘆而坐 深青絹兩足為郎君製束身之衣一品宅有猛犬當為 不悔磨勒曰此亦小事耳遂負生與姬飛出峻垣十餘 五夜月面如鏡今郎來耳磨勒笑曰後夜乃十五夜請 郎若檛殺之泊十五夜三更與生衣青衣遂員而踰十

勒 餘年有人見磨勒賣樂於洛陽市容顏如舊以係 聲聞姬隱崔生家二載花時為小車遊曲江為一品家 翎疾同鷹隼攢失如雨莫能中之頃刻不知所向後十 重守禦者及旦方覺一品大駭曰此必俠士挈之無更 人嚴持兵仗使擒磨勒磨勒持匕首飛出萬垣暫若翅 人誌認白之一品召崔生詰其事懼不敢隱遂言好居 品曰他事不問其須為天下人除害命甲士五十

反三日巨人生

黎幹為京兆尹時曲江禱雨獨有老人不避黎怒杖背

陕西通志

圭

時時及黎之袵食項擲劍植地揖黎而入黎歸臨鏡方 覺鬚則落十餘翌日復往室已空矣雅明 短七口舞於庭中选躍揮霍攙光電激有短劍二尺餘 曰老夫有一技請為尹設遂入良久紫衣朱髮擁劍長 曰誰引君來此即具酒設席語及養生術言約理辯因 因敝衣至其處曰向迷丈人物色罪當十死老人驚起 小門大言曰我今日困辱甚可具湯也坊卒反白黎黎 一十如擊毙革黎疑非常人命老坊卒尋至顧陵里入 飲定四車全書 門 為神明外 使造至褒城遇與元都將衛志忠征蠻歸造密與之謀 與元兵亂殺李絳以尚書右丞温造為山南西道節度 騎駅入縣供以酒食經三日還以馬送舊坐處令 張松壽為長安今時昆明池側有切殺奉勃十日内 為推遂即被布衫龍頭送縣一 獲賊壽至行劫處尋蹤緒見一老婆于樹下賣食以從 看有人共姿語即捉来須史一 載野 陕西通志 問具承脏並獲時人以 人来問明府若 腹 何 須

ノミンロノノ 雙歸他姓仙客護喪歸葬襄鄧服関抵京值涇原兵反 唐王仙客尚書劉震之甥少孤隨母歸外氏與震之 意宜悉使来前既勞問命坐行酒志必露以才兵圍之 諸門造視事享將士於牙門造曰吾欲問新軍去留之 誅亂者以兵八百人為牙隊五百人為前軍入府分守 無雙幼相押愛劉氏疾且死召震以仙客為託無令無 既合唱殺新軍八百餘人皆死其手殺絳者斬百段 騰走歸襄陽三年後知尅復京師乃入京訪舅氏消息 E

沙之四草全事 两 累月忽報中使押領內家三十人往園陵備灑掃電車 遇舊使蒼頭塞鴻乃聞尚書受偽官與夫人皆處極刑 鴻曰郎君見知此驛疑娘子在此令鴻問訊無雙曰明 十垂下驛中記仙客恐無雙在馬因令塞鴻為驛卒京 乃厚價贖之稅屋與鴻蘋居尋為富平縣尹知長樂驛 日我去後汝於東北舍閣子中紫褥下取書送郎君其 茗於簾外夜深忽聞簾下語曰寒鴻汝爭知我在此耶 無雙已入掖庭惟所使婢采賴在金吾將軍王遂中宅 ·陝西通志 去

年未開口古生忽曰察郎君意將有求於老夫老夫乃 品過處置園陵官人仙客心甚異之是夕更深聞扣門 **歲無消息一日謂仙客曰宅中有人識無雙否仙客以** 之否仙客尋訪古押衙見於村野凡所願必力致之 書後云常見敕使說富平古押衙人間有心人今能求 數四曰此事大不易然與郎君試求不可旦夕便望半 采蘋對古生端相喜曰暫借三五日後累日忽傳有髙 片有心人也仙客泣拜以實告古生仰天以手指腦

自ちにある

今死矣後日當活仙客抱入閣子中獨守之至明遍體 立死三日却活其使人求一丸采蘋假作中使以無雙 路郵傅皆厚賂必免漏泄處置記老夫為郎君自刎門 逆黨賜此藥令自盡至陵下託以親故百無贖其尸道 有暖氣至夜方愈古生曰比聞茅山道士有藥術服 甚急及開門乃古生領一節子入謂仙客曰此無雙也 外有擔子十人馬五匹絹二百疋五更挈無雙便發變

沙里四車全

姓名浪跡以避禍言記舉刃仙客殺之頭已落矣並尸

陕西道志

大

憲宗元和八年上以用兵事委武元衛李師道所養客 蓋覆記潜奔蜀下峽終老襄節問唐 呼賊斷義臂而去京城大駭賊遺紙於金吾及府縣 其首墜溝中度超帽厚得不死無人王義自後抱賊大 中突出射殺之取其顱骨而去又入通化坊擊裴度傷 則等告王承宗使張宴等殺元衛李師道客竟潜匿亡 好急捕我我先殺汝詔中外所在搜捕神策將軍王士 請密往刺之元衡入朝出所居靖安坊東門有賊自暗 日

北街有女子年十七八衣裳褴褸著木履道側值少年 去鑑通 枚贈超超甚疑當從容謂曰潘將軍失念珠知否微笑 設報則水陸異珍吳中初進洞庭稱恩賜軍臣女以二 蹴踘接送高數文超異之因結為甥舅見其累日不爨 京國豪士潘將軍在光德坊有玉念珠貯以繡囊玉合 日從何知超日若可得當厚酬女子日舅詰且於慈恩 日啓囊亡珠主藏者密話於王超超他日過勝業里

处已印巨公司

陈西通志

主

室矣劇談 蕃將王敬弘常常少僕神彩俊利一日敬弘於威遠軍 有所見語記而走疾若飛鳥忽舉手示超級然攜念珠 寺塔院相候超往女子已至謂超曰少頃仰觀塔上當 會宴有侍姬善鼓胡琴四座酒醉因請度曲解以樂器 唐文宗當寶白王枕乃德宗朝于閩國所貢也置寂殿 下曰便可將還超送詣潘備金吊為贈明日訪之已空 ,旦忽失所在上驚駭移時下記都城索賊有龍武

金人巴尼台電

設定四事全書 · 陕西随志 言曰我偷枕来不怕他人惟懼子耳既此相值豈復多 是時沙自無雨塵埃頗甚跬步間人不相見膨即與少 偷枕者田膨郎也勇力過人且善超越苟非折其足雖 敬弘問曰汝殆俠士那小僕曰非有此但能行耳因言 以繡囊將琵琶而至敬弘驚異時失枕搜捕嚴急宴能 千兵萬騎亦將奔走自兹再宿候于望仙門伺便擒之 非妙須常御者彈之時中漏已傳求之不及頃之小僕 數革連臂將入軍門小僕執毬杖擊折其左足仰 而

京兆尹薛元賞常詣李石第聞石方坐廳事與一 往来遂令凡內外囚擊悉原赦之働俠 言於是上得賊甚喜引膨郎臨軒詰問具陳常在宮內 出上馬命左右擒軍將俟於下馬橋至則已解衣跪之 相公綱紀四方近不能制一 辨甚喧使覘之云有神策軍將訴事元賞趙入責石曰 矣其黨訴於仇士良士良遣宦者召之元賞曰屬有公 事遂杖殺之乃白服見士良士良知軍將已死無可如 E | 軍將何以鎮服四夷即趨 爭

沙足四年亡号 婦人員新歸季弘召而謂曰我在長安即開汝倚氣力 者驚駭後泊商山逆旅有老嫗愁憤吁歎季弘問之曰 驢負薪適當其道季弘怒捉驢四足擲過水渠數步觀 咸通中張季弘勇而多力當雨中經勝業坊有村人 有新婦悖徳制之不可季弘笑曰當為主人除之日暮 不承事阿家婦曰只如某年此事豈是新婦不是每言 一事輒引手於季弘所坐盤石上以中指畫之隨手作 何乃呼酒與元賞數飲而罷過 俠西通志 大 驅

聲華溢京都酉陽 役豈宜留心舉而碎之以其文軸遍贈會者一日之內 驚問日余善此樂皆曰可得聞乎曰明日可集宣陽里 陳子昂初入京不為人知有賣胡琴者以干稱市之衆 如期偕往則酒肴軍具置胡琴於前食軍棒琴語曰蜀 自クビガグニ 人陳子昂有文百軸馳走京載不為人知此樂賤工之 痕深可數寸季弘汗落神駭劇該 乖崖布衣時客長安旅次聞鄰家夜聚哭甚悲訊之

沙里里在 宋元符年間衆人宿岐山縣客邸明日一人亡其首無 去出城使導馬前至唯間即疏其罪僕倉皇間以刃揮 慎當私用官錢為家僕所持欲要長女拒之則畏禍從 謹於事也随見 陸順中歸告其鄰曰威僕已不復來矣速歸汝鄉後當 僕出即曰我白汝主人假汝至一親家僕遲遲強之而 之則女子失身所以舉家悲泣乖崖明日至門首候其 其家無他故乖崖力叩之主人遂以實告曰某在官不 陕西通志 Ē

鄧弼字伯翊泰人也以力雄人鄰牛方顕不可穿拳其錄 每 血是 刃兩生逮摘七經數十義問之獨歷舉傳疏復詢 走獨止之曰獨亦粗知書四庫書從君問即不能答當 超酒酣解衣箕踞拔刀置案上兩生素聞其酒狂欲起 獨飲娼樓蕭馮兩書生過其下急牽入共飲獨自據 獨字伯到泰人也以力雄人都牛方屬不可劈拳其 折仆地市門石鼓十人舁弗能舉兩手持之行一 Ð

雄劍二王即命給予陰戒善報者五十人馳馬出東門 若不聞關中有衛伯湖耶連擊路數人聲聞於王令隸 問德王執法西御史臺弼造書請謁閣卒不為通弼曰 日能王顧左右曰姑武之問所須曰錶鎧良馬各 解持矛鼓誤前登堅城乎曰能百萬軍中可刺大将乎 人枠 再有問獨索酒披髮跳叶曰吾今日壓倒老生矣泰定 歷代史上下三千年繼繼如貫珠兩生相顧慘沮不敢 入弱藏氣曰公奈何不禮壮士王曰爾自號壮

とこうえしこう

灰西通志

金方四月全書 暑十弓惟二弓可射通視其來攻處則射之内六人中 中連斫馬首墮地血浴浴滴王撫髀數曰誠壮士誠壮 人馬不能及通曰余走則脱餘皆不免人手吾不忍也 榆林堡之敗總旗江通所領十人通乗良馬善走餘九 乃下馬背相倚而立命九人曰不可不死中求生時天 士命酌酒勞殉朔立飲不拜由是聲振一時深遍都 外然後遣弼往王自瞻觀弼至衆朝並進獨虎吼而奔 人馬辟易五十步已而烟塵障天但見雙劍飛舞雲霧 卷 **百**:

次定四車主書 陝西通志 害意明旦二賈告行勇士送之半途而返且曰勿語吾 賊矢通曰傷者母坐坐則賊乗隊而攻吾俱死矣傷者 具告以失路艱辛之狀勇士憐之遂出酒肉為詢了無 勇士以鐵杖擔一虎一鹿而歸嫗語之二賈為通姓氏 炊而進得草廬有老嫗訝之曰爾何来吾兒勇且武遇 近有二賈路迷誤入終南山猿啼虎啸意其必死望烟 立如令賊不敢逼皆得免歸邊問 則死宜速去二貫求哀老嫗不得己而止之俄有

明 近皆僵立不動若膠其脛王行遠寇乃得轉動逸去蓋 秦中王某為商結隊偕發忽剪徑賊至王叱馭前進寇 姓名恐見知也華 縣涇 レン 度勢不能俱存乃自含其次子攜姓並長子就食他方 全兩門宗祀郢上劉元勲記其事至比之鄧伯道云 志陽 涇陽郭光緯兄光經早卒遺一子光緯無之值歲荒 秘術制之也難 志園 聞野 次足四華 A 馬 穰侯耳王微聞其言乃屏左右跪而請教雖因說曰臣 范睢至秦秦王見之離宫睢佯為不知永巷而入其中 穰侯出使不報華陽涇陽等擊斷無諱萬陵進退不請 能利害之謂王制殺生之威之謂王令太后擅行不顧 后穰侯華陽高陵涇陽不聞其有王也夫擅國之謂 居山東時間齊之有田文不聞其有王也聞秦之有太 王来官者怒逐之曰王至睢謬曰秦安得王獨有太后 滑稽 Į 陕西通志

使者操王之重決制於諸侯剖符於天下政適代國莫 見王獨立於朝臣竊為王恐萬世之後有秦國者非王 其枝者傷其心大其都者危其國尊其臣者甲其主令 結怨於百姓而禍歸於社稷詩曰本實繁者披其枝披 無王也臣聞善治國者乃內固其威而外重其權穰侯 四貴備而國不危者未之有也為此四貴者下乃所謂 自有秩以上至諸大吏下及王左右無非相國之人者 不聽戰勝攻取則利歸於陶國弊御於諸侯戰敗則 一百 使 至 四 車 全 書 優旃者秦倡朱儒也善為笑言然合於大道始皇議欲 城雖百姓愁費然佳哉漆城荡荡寇來不可上即欲就 於其中寇從東方來令麋鹿觸之足矣始皇以故輔止 之易為添耳顧難為陰室於是二世笑之以其故止被 二世欲添其城優旃曰善主上雖無言臣固將請之漆 大苑園東至函谷關西至雅陳倉優旃曰善多縱禽獸 孫也胎王聞之大懼对郎 T. 陝西通志 孟

齊助楚攻秦惠王患之張儀南見楚王曰大王苟能閉 武帝時有殺上林鹿者下有司收殺之東方朔時在旁 安得六百里戰國 關絕齊臣請使秦王獻商於之地方六百里楚王大悅 曰是固當死者三使陛下以鹿殺人一當死天下聞陛 從六里使者曰臣聞六百里不聞六里儀曰儀固小人 使人絕齊張儀知楚絕齊也乃見使者曰從其至某廣 下重鹿贱人二當死匈奴有急須鹿觸之三當死帝點

火三日巨八十三 然放之傳情 要齊 衡民 也朔來來者東也叱叱者四十九也上大笑賜帛十疋 校上日何以知之朔曰呼朔者上也以杖擊檻兩木林 先生来来先生知此葢裏何物朔曰上林獻棗四十 漢武帝時上林獻棗上以杖擊未央殿檻呼朔曰叱叱 漢武游上林見一 浴其樹後數歲復問朔朝曰名為瞿所帝曰朔欺人 好樹問東方朔朔曰名善哉帝陰使 陕西通志 孟

傅 矣名與前不同何也朔曰夫大為馬小為駒長為難小 為雞大為牛小為犢人生為兒長為老且昔為善哉長 之語云東家東熟王吉婦去東家東完婦去復還漢書 知而去婦東家聞欲伐其樹鄰里止之因請吉還婦為 王吉居長安其東家有棗樹亚吉庭中吉婦取啖吉吉 為程所長少死生萬物敗成豈有定哉帝乃大笑沙 王莽篡位後復上符命者莽盡誅時揚雄校書天禄閣

設定四車全書 傅 更始在長安所授官爵或膳夫庖人長安為之語曰電 廣曰故李将軍尉曰今將軍尚不得夜行何故也漢 李廣屏居藍田山中射雅當夜還至亭霸陵尉醉呵 使者欲收雄雄恐乃從閉自投幾死京師為之語曰惟 丁邯京兆陽陵人也為漢中太守妻弟為公孫述將邯 寂寞自投間爰清静作符命漢書楊 下養中郎將爛羊胃騎都尉爛羊頭關內侯東觀 TO 陝西通志 丟 廣書

語以即服罪法 祭日今日 誦判無一 周天官選人沈子榮誦判二百道試日不下筆人 收妻繁南鄭獄免冠徒跣自陳詔曰漢中太守妻乃 南鄭獄誰得掻其背垢者懸牛頭賣馬脯盗跖行孔子 今問富平如何下筆聞者莫不撫掌朝野 秦王俊為尚書俊如崔氏生男隋主喜頒賜羣臣直秘 選判水磑又不下筆人問之曰我誦水磑乃是藍田 録 相當有一道蹟同人名又别至來 人問之

答曰霸長豈非問一知二素於是服其雜捷敢 得兩曰若為得兩答曰有人從其借弓者乃曰撰刀去 豈非借一而得两白應聲曰關中人亦甚聰明問一而 去為撫所及刀去素皆戲白日山東固多仁義借 楊素關中人侯白山東人關中謂水為霸山東言擎 所存今王妃生男於摩臣何事乃妄賞也雖 書內省李文博素貪人往賀之文博曰賞罰之設功過 知二素曰何以得知白曰有人問北来多雨渭水漲否 陝西通志 顏

次定四重公馬

國寺講会 貞觀中尹伊嘗為坊州司戸尚樂局牒省索杜若省符 為之解曰甘桃不結實苦李壓低枝太宗聞之詔入安 忽有此科應由謝朓詩誤華省曹郎如此判豈不畏 他皇后 既葬 坊州供送伊判之曰坊州本無杜若天下共知省符 八宿向下笑人計 元康入京見 話磨 法師威集徒衆講經識康無生徒康 語唐 唇觀以望船陵當

グロ

卷一百

次足の車心島 徴曰臣以為陛下望獻陵若昭陵則臣固見之唐書 唐長孫元同幼有機辩永敝中在京會宴衆因曰醴泉 置骨向狗投自非阿羅漢誰能免得偷靈異 之守藏盜去黄金極多寢房壁上有詩曰将肉遣狼守 化度寺貞觀中有僧裴元智戒行修謹宛是修行人使 永徽元年上出獵遇雨問諫議大夫谷那律曰油衣若 為則不漏對曰以五為之必不漏上悅網鑑 同登使視之徵熟視之曰臣昏眊不能見上指視之 陕西通志

去京不遠百姓遂行盤毒須遠配流一人乃曰若令配 尉馬子雜肪駱駝兒非關道德合只為錢相知全店 雛駱駝長安人其子坊與蕭住駙馬遊時人語曰蕭住 時人語云左相宣威沙漠右相馳譽丹青母唐 髙宗時間立本善畫為右相美格以邊將立功為左相 支作食手架皆歡笑好顧 置必令得所諸人問之答曰但行盡毒人並送與莫離 流處還有百姓此人復行盡毒元同即云若令元同安

志綱 鑑 倍辨於往時問其故曰好者總在僥倖者去故也聞者 とこううここ 勝數或謂懷貞曰縣官相次入縣事多辨否懷貞對曰 陸餘慶轉洛川長史善論事而謬於判決人嘲云說事 敏中判云開府階誠宜陰子謁者監何由有兒士良慙 實懷貞為京兆尹神龍之際京尉由墨物入臺者不可 則隊長三寸判事則手重五斤年唐 唐內謁者監仇士良請以開府蔭其子千牛給事中李 陝西通志 Ē

名見與語題 多定四月全書 皆大噱於語 滿令吏上曰爾何以知對曰更一 玄宗當登苑北樓望渭水見一醉人臨水卧問左右是 ·世宗為太子王据至長安見之至庭中故徐行宦者曰 何人左右不知將遣使問之黃幡綽曰臣知之此是年 殿下在簾内琚曰何謂殿下今獨有太平公主耳上遽 · 璟為相朝集使往往齊貨入京師將還多遷官璟 基 **F** 轉入流上大笑松 绿窗

欽定四車全書 熊蹋胸兮豹拏背珠一 出對日員冤者三百餘人相公悉以繁徽故不得不出 月前辨有司之供具命駕幸於温泉青一隊兮黄一 倜儻雜以作諧其賦首云若夫天寶二年十月後兮臘 唐天寶初玄宗遊華清宮劉朝霞獻駕幸温泉賦詞調 耳上心以為然罷環軍 之人多怨之會天旱優人作悉狀戲於上前問點何為 切勒還環又疾負罪而妄訴不已者悉付御史臺治 類編 **疑西通志** 團分繡一團玉鏤珂分金錢鞍

左右曰真窮薄人也遂授春官衛佐而止馬問天 裴休無察宣城未離京值曲江池尚花盛發同省閣 若有神助自謂文不加點筆不停級不願改之上聞顧 之將加殊賞命朝霞改去五角六張字奏云臣草此賦 自叙云今日是千年一遇叩頭莫五角六張上覧而奇 其後述聖徳云遮莫你古來千帝豈如我今代三郎其 士遊賞自慈恩寺各屏左右隨以小僕步至紫雲樓見 八坐於水濱裴與朝士憩其旁中有黄衣半酣軒品 記 傅

次定四車之島 古曰此舊文也授筆倒書之徐笑曰適覽記之耳錄友 宣皇在邸聞是說與諸王每為戲談松愈 使於是狼狽而去同坐亦皆奔散朝士撫掌大笑不數 魏奉古初任為雍州尉九日公宴有客草序五百言奉 日布至京華後於銓司訪之日有廣德令請換羅江矣 曰押衙所任何職裴效之曰啱郎不敢新授宣州觀察 任何官率爾對曰啱郎不敢新授宣州廣德令及問裴 自若指諸人笑語輕脫裝意稍不平揖而問之吾賢所 陝西通志 圭

焚東明觀道士李榮詠詩曰道善何曾善言興且不興 自グロアと言 **马者伍耶清暑** 京城流俗僧道常争二教優劣總章中與善寺為火所 張籍頗恚之冥搜得句曰長因送人處憶得別家時徑 元和中長安有沙門善病人文章尤能捉語意相合處 然世有丐顔色於人丐名位於人者不此之羞而羞與 元次山自叙遊長安中與巧者友或以友巧為太下者 如來燒赤盡惟有一羣僧全唐 卷一百

文三日巨公子 夏 詩歌文賦帖經為五盧弘正獨指華試自謂獨步已試 籍因撫掌大笑撫 其精當遂奪弘正狀頭後弘正自丞郎使判鹽鐵俄而 異於職龍採斯跡矣白石又殊於老蚌割莫得之楚服 兩場馬植下解狀既而植試登山採珠賦略曰文豹且 也籍曰向有何人僧冷吟曰見他桃李發思憶後園春 往誇揚乃曰此應不合前輩意也僧笑曰此有人道了 元和中令狐楚鎮三峯時及秋賦勝云特置五場試蓋 陕西通志 圭

幸慶本女選為妃詣明堂謝而慶本兩耳先卷朝士多 來展務又中老拳太平 以雕態載效徵服蟬鞋縱觀於側建為團司所發流 往洛下拜慶既而淹緩久之及同年識於由江亭子象 崔沆及第年為主對録事同年虚象府近關熱堅請假 妃慶本日何以知之松曰卷耳后妃之德也解照 呼為卷耳長安令杜松見而賀之曰僕固知足下女得 為植所據弘正以手札戲植曰昔日華元曾遭毒手今 クニンフェーニュー 唐三原縣今間元一為人多忘曾至州於主人舍坐州 佐史前過以為縣典也呼欲杖之典曰某是州佐也 猶未解行敏至街逢之與解縛因戲詠之曰崔生犯夜 劉行敏令長安有崔生飲酒歸犯夜武侯執縛五更初 青雲得路可知異日之心撫 絕文脫後生然人不惜夜随意晚參橫許語 行武侯正嚴更幞頭拳下落髙髻掌中擎杖迹胸前出 之略曰深攙席帽密映氊車紫陌尋春便隔同年之面 陕西通志 圭

飲之朝野 書戲之曰不知上得不得且怪懸之又懸銷味 知所以訊之一 俄而里胥白録人到 **某是縣典也又愧而止曾有人傅其兄書者止於階 慙謝而止須史縣典至一** 唐道士程子霄登華山上方偶有顛仆郎中宇文翰致 久直典持酒至一既忘其取復忘其被杖者因賜直典 曰吾大錯顔直典向宅取杯酒與瘡良 一索杖遂鞭送書人數下其人 疑其州佐也執手引坐典曰

金完四庫全書

卷一百

飲定四車全書 山國亡玄宗官驪山而禄山亂先帝幸驪山享年不永 叩頭諫曰昔周幽王幸驪山為犬戎所殺秦始皇葬聽 長慶四年上欲幸驪山湯泉拾遺張權與伏紫宸殿下 對好處曰無過蜜陀僧故實 會昌毀寺時有蘇監察者巡撫兩街諸寺見銀佛 書謝云蒙惠也愚若干雄民 已下者多袖之歸人謂之蘇捏佛或問温庭筠云將何 唐有內大臣學作別紙言語鳳翔節度使寄柴數車回 陕西通志

公陸象先言充公之量非可測度為馮翊太守小軍等 馮翊之東窟谷有隱士趙存者自云父諱君垂當事 寅幸温湯即日還官謂左右曰彼叩頭者之言安足信 多名族子弟以象先性仁厚於是與府家共約戲賭 上曰驪山若此之凶邪我宜一 其人便為之象先視之如不見又一然軍曰吾能於使 曰我能旋笏於應前硬努眼眶衡揖使君唱陪而出 鑑通 往以驗彼言十一 月

李克助為大理柳的宗在華州鄭縣令崔鑾有民告舉 髙髻笄釵女人衣疾入深拜四拜象先又不以為怪弟 徐語景融曰是渠參軍兒等笑具我豈為笑哉乾臊 景融大怒曰家凡為三輔刺史今乃為天下笑具象先 舅姑四拜則如之何衆曰不可其第三然軍遂施粉黛 祭軍又曰吾能於使君應前作女人梳 樂新嫁女拜 察皆曰不可其二然軍便為之象先亦如不見其第三 君廳前墨塗其面著碧衫子作神舞一曲慢趨而出聲

敦定四事を書 陝西通志

前指曰此劉氏黑牡丹也 縣民乃崔令之民也建服其論乃捨崔罪雖奇 我之過李云聞公舉放數將及萬矣韓曰我華州節度 唐末劉訓京師春遊賞牡丹訓邀客賞花乃繫水 華民我民也李曰華民乃天子民非公之民若爾即鄭 罪當紋大理寺數月不奏建問李尚書崔令乃親情耶 何不奏李克助云伴公之政也韓云崔令犯贓奈何言 放約刺史韓建令計以為贓奏下二句定罪御史臺奏) 樹 潜 確

ヨジェ

والمادار

人こりに これら 李克用破黃巢收復長安時年二十八於諸将最少而 雅癸 有 向相延州詩云四時常有烟棚合三月猶無菜甲生又 有愧色出俸修之香祖 官高貴盡偷安若教酒務修夫子覺我惭惶也大難道 官判官素滑稽書絕句於判後云荆棘森森遠杏壇修 馮道鎮同州有酒務吏乞以家財修夫子廟道以付判 人嘲同州詩云三春花發惟樗樹二月鶯啼是老鴉 陕西通志 圭

繋樹躡之上下神色不動以漆墨鴻筆大書石壁上曰 遊南山抵仙遊潭下臨絕壁萬仍岸甚被橫木架橋子 蘇子瞻任鳳翔府節度判官章子厚為商州令二人同 呼蘇賢良公弼怒曰府判官何賢良也杖其吏聞與 厚推子瞻過橋書壁子瞻不敢過子厚平步以過用索 陳希亮嘉祐中知鳳翔東坡初推制科簽書判官事吏 功第一諸將皆畏之克用一日微眇時人謂之獨眼龍 月白言 とこりランルー 張元一作本華陰布衣當以詩干韓魏公公不納遂投 褚遂良聖教序墨跡一觀因令子弟臨一本休日宴僚 何也子瞻曰能自拚命者能殺人子厚大笑録笑 西夏迨王師失律於好水川元題詩於界上寺云夏竦 收為偽权才笑放鄭公云今日方知蒼舒孙寒新志 屬出二本令坐客别之客盛稱公者為真及以权才所 石蒼舒字叔才雅人也蓄圖書甚富文路公即長安借 蘇軾來遊子贍拊其背曰子厚必能殺人子厚曰 陕西通志

如此精志 龍過客讀之者無不一笑城真 謂曰公出無從騎市人或不識有未便者公曰其惟求 女也夏縣司馬才仲戲題詩云身既事十主女亦妃九 何曾聳韓琦未是奇滿川龍虎輦猶自說兵機其不遜 司馬温公為西京留臺或不張蓋自持扇障日程伊 不識耳類聚 州澄城縣有九龍廟然止一如耳土人云馮瀛王之

金丘四酒全書

卷一百

沙定四車全點 之曰非獨酒能病人茶亦病人 不勝情至關永叔直出道过貢父貢父適酒病永叔戲 徽宵明白王佳人唱渭城唱盡一 造朝茶遠送之貢父為夜宴痛飲有別詩曰畫堂銀燭 程伯淳遊終南山山僧云晏元獻公來獨猴滿山戲為 劉貢父知長安故有茶嬌者以色慧稱貢父惑之被名 何曾見始覺毛蟲更世情明道 絕曰聞說獨猴性頗靈相車來便滿山迎鞭贏到此 45 陝西通志 鴻 杯須起舞闘河風月 卖

誰也曰孔子曰文王我師也周公豈欺我哉孔子文王 上更無山與齊當在華山下矣又何水曰東海曰黃河 郭文英韓城人明嘉靖中以大匠工師至工部右侍郎 之弟子也相與一笑是稱文譚 太學生相聚各言物產以相嘲難東魯生曰一山 水天上來東流到海不復迴乃屬河之委矣又秀才 秀才甲天下矣關中生曰何山曰泰山曰只有天在 品服聽慧善訴請會諸縉紳談及發科經書斬笑 鴻

自りて

李自成據秦府大集士子考試出題曰道得眾則得國 士子私相謂曰仍不離盗賊二字延終 彼自出題耳爾非四凶安得即與招診項風東 汪鉉以其指已與羅峰也為羅峰誦之欲去崇羅峰曰 王給事崇為陝西主考出題四罪而天下咸服及考察 自謂不佞起家木經衆為絕倒縣城 二華之山本一山也當河河水過之而曲行河神巨靈 神異

交色四年在1

陝西通志

弄

觀手跡於華嶽上指掌之形跡在脚跡在首陽山下故 為白石狀如美玉時有紫氣覆之 金星之精隆於終南圭峯之西因號為太白山其精化 張衡西京賦稱巨靈贔屬高掌遠疏以流河由是也 以手擘開其上以足蹈離其下中分為兩以利河流今 グロアと 可復 签龍闖之山亦謂之龍門至一空嚴深數十里幽暗 行有獸狀如豕街夜明之珠其光如燭又見 記録異 神搜

量度天地禹即執持此簡以平定水土治道 出付留口我貌很醜卿善圖物容我不能出班拱手與 神蛇身人面禹因與神語即示禹八卦之圖列於金 泰伯出将至於成陽天震大雷有火下化為白雀街 渭水石柱橋舊有村留神像此神當與魯班語班令其 之便還沒水故置其像於水唯肯以上立水上水經 言曰出頭見我付留乃出首班於是以脚畫地付留覺 之上又探玉簡授禹長一尺二寸以合十二時之數使

火色日草二

陕西通志

+

武都故道有怒特祠上生梓樹文公使人伐之輒有大 中有一青牛出走入豐水中其後牛出豐水中使騎擊 得不困耶樹神無言明日病人語文公如其言伐樹 之不勝有騎墮地復上髮解牛畏之入不出故泰自是 神曰秦若使人披髮以朱絲繞樹赭衣灰坐伐汝汝 雨樹創随合有一人傷足不能行卧樹下聞有鬼 語

ところうここう 秦始皇時有王道平長安人少與同村唐叔偕女誓為 謂之子午臺灣 此東海祖洲不死草生瓊田中名為養神芝一株可活 秦始皇大苑中多枉死者横道有鳥狀如鳥街草覆死 秦始皇赵雲明臺窮天下之珍木搜四方之巧工有 人騰虛緣水揮斤斧於空中子時起工午時已畢秦 人面當時起坐自活始皇遣使齎草問鬼谷先生答云 記十 陝西通志

驚怪申訴郡縣録狀奏上斷還王道平為妻被神 夫婦尋道平被差征伐九年不歸其父母見女長成逼 道平乃於墓門們看之其女果活隨道平歸他姓聞之 嫁他姓遂悒快而死經三年道平還詢知往墓所悲號 素車白馬謂鄭客安之答曰之成陽曰吾華山君願托 春秋後傳曰使者鄭客入函谷關至平舒道見華山有 逼嫁結恨致死然念君夙願不忘妾身未损可以再生 女魂自墓出問平何自而來本與君誓為夫婦為父母

金方四月全書

沙乞四車全書 人 漢武宴於未央宫忽聞人語云老臣負自訴不見其形 末喜以金簪貫玉螭腹為戲令螭腹餘簪痕得非此耶 武帝好微行於長安城西夜見一 記洞 注 客如睡覺而見官闕若王者之居馬謁者出受書 書致鎬池君子之咸陽過鎬池見一大棒下有文石取 筽 **数扣梓當有應者客行至錦池取石扣梓應日塔鄭** 陕西通志 螭遊於路董謁曰昔 早二

此帝乃息役起異 伐其居故來訴耳仰看屋而後視足願陛下宫室足於 泰驪山墳破行者見金息向南飛寶鼎元年張善為日 訴者何翁仰看屋俯視帝足忽不見帝駁懼問東方朔 金見貫 南太守郡民有得金見以獻者善考其年月即始皇墓 朔曰其名為藻無水木之精也陛下項來頻修宫室斬 良久見架上一老翁長八九寸僕步至前帝問曰叟所 次足四軍公島 宣帝以早蓋車賜霍光至夜車轄上金鳳凰輒亡去至 俄而飛去帝使人尋之直入光家止車轄上乃知信然 将臣之叔卿不言而去武帝悔求得其子度世令追其 甚異之後數日君仲前闕上鳳凰帝疑之置承露盤上 守車人上云夜車轄上鳳凰飛去不返恐為人所得光 晓乃還後南郡黃君仲羅鳥得鳳凰入手即化成紫金 父度世入華山見父與數人博於石上物度世還注經 神仙傳曰山中衛叔卿常垂雲車駕白鹿見漢武帝 陕西通志

金万里正人 杖登閣而進見向暗中 劉向校書天禄閣事精軍思夜有老人看黃衣植青藜 漢中有鬼神樂侯常在承塵上能知吉凶甘露中蝗大 記齊 諧 水鳥吏還具白太守即果有眾鳥億萬來食蝗須更皆 小事輕當除之言記愈然雅出吏髣髴其狀類鳩聲如 起所經處禾稻輒盡太守遣使告縣侯侯謂吏曰蝗蟲 傳列 異 獨坐誦書老人乃吹杖端烟燃 悲一百

能進動友 文三日日 Aldin 以手板畫地成河怒濤洶湧兵不得渡操將復率水兵 張魯仕漢為漢中太守隱身學道曹操遣將攻漢中魯 遂不見拾遺 張魯之女曾院衣於山下有白霧隊身因而孕馬取之 將至岸魯又以手版畫河中朝聳一拳萬千餘丈兵不 學者下而觀馬乃出懷中竹牒有天文地圖之書授向 向請問姓名云我是太乙之精天帝聞卯金之子有博 陕西通志 四古

童子曰我西王母使者為鸱暴所搏君仁爱見极乃以 墓前成鉄道家 龍子一雙遂送於漢水既而女殯於山後數有龍至其 自裁將死謂其婢曰我死後可破腹視之婢如其言得 於樹下取歸置中箱中百日毛羽成一夕三更有黃衣 漢楊寶年九歲至華陰山北見一黃雀為鴟梟所搏墜 白環四枚與寶日令君子孫清白位至三公當如此環

2. 3.2 1.1. 郭后爱念之常置左右問當時宫內事了了有次第处 漢末關中亂有發前漢時宮人塚者猶活既出復如舊 之道和以鋤格折其脏遂落地不得去唇如丹目如鏡 晉扶風楊道和夏於田中值風雨至桑樹下霹靂下擊 魏景初中咸陽縣吏王臣家有怪其母夜寢聞竈下 呼聲曰文約何以不來頭下枕應曰我見枕不能往汝 可來就我飲至明乃飯面也即聚焼之其怪遂絕沒神 陝西通志 型

金定四項在書 毛角長三尺餘狀如六畜頭似獼猴搜神 度為則馬都尉賜金帛車馬令還本國投神記 按法 悲泣遣人發塚啓極始信之歎曰此是我婿也遂封道 隴西有辛道度者游學至雍城西見一宅有青衣女子 可久居乃取金枕送出未逾數步惟有一塚道度至秦 在門道度詣門下求食女子入告俄出引道度入見一 以枕貨於市適泰妃出遊見枕疑之道度具以實告妃 女曰我秦閔王女今日君來顧為夫婦經三宿女曰不

欽定四庫全書 甚偉器物殊威塚發聞鼓角聲蘇頭壠 都方回葬婦於驪山治墓多平夷古墳後壞 先生取以明目言記便失所在續密 魏與李宣妻樊氏義熙中過期不孕而額上有創兒穿 子柏葉上露皆如珠滿囊紹問曰用此何為答曰亦松 弘農鄧紹當八月旦入華山採藥見一童子執五綵囊 以出長為將與明 同不重載 女事與此 艮一丁 一页志 累

南徐一 蒼蠅入自牖間鳴聲甚大集於筆端驅而復来久之乃 秋國 言於市口官今大赦須更不見堅歎曰其向蒼蠅乎 驚謂融猛曰事從何泄推窮之咸言有一 去俄而長安街卷里民相告曰官今大赦有司以聞堅 苻堅為於與左僕射猛右僕射融密議於露堂有一 九悅之無因遂感心疾母問其故具以啟母母為至華 春 一士子從華山畿往雲陽見客舍有女子年十 小人衣黑

欧定四事全等 胡以家事不理罰胡五杖傍人及鄰里並聞其語及杖 抱之遂活兩家相慶配為夫婦誠商 王胡長安人叔死數載元嘉二十三年忽形見還家責 肯前須史女粧點沐浴竟出歌曰華山畿君既為儂死 山尋訪見女具說女聞感之因脫蔽膝令母密藏於席 獨活為誰施君若見憐時棺木為儂開棺應聲開女 絕謂母曰葬時車從華山度母從其意比至女門牛 下卧之當已少日果差忽舉席見級膝持而泣之氣欲 陝西通志 里

長安懿徳禪院内有大石四重五百斤隋末郭縣沙 向越公家為我足錢也阿尼咒之猫鬼便向其家通 陀嘗索酒其妻曰無錢可酷陀因謂阿尼曰可令猫鬼 記廣 聲又見杖癩而不見其形唯胡獨得親接俄而辭去 每殺人則死家財物潛移於畜猫鬼家隋書陀傅云 通自南莊致此法通初極匹为夢人遺三歇筋使 州刺史獨孤陀有婢曰徐阿尼事福鬼能使之殺 6 鑑

一段主四年全等 一人 異盡力莫能取通徐舉柱而取聚駭為神助起京 杜子春周隋間人少落拓徒行長安中一老人與錢三 此人間之事可立感史深惠唯史所使老人曰吾心也 百萬一二年間稍稍而盡復來前期處得錢一千萬又 子治生畢來歲中元見我於老君雙槍下子春及期往 稱有力通竊其所服袋浆舉堂柱而壓之行戡見而驚 之適敢一筋遽覺試舉大石臼不以為困有寺僧行戡 二年間貧過舊日復遇老人與三千萬子春曰吾得 陕西通志

前後老人持白石三丸酒一色遺子春食之記戒曰慎 仗劍張弓直入呵問皆不對怒而去俄而猛虎毒龍哮 吼拏攫于春神色不動既而大雨晦膜流電吼雷若山 所言言記而去道士道去有一人稱大將軍親衛數百 勿語雖尊神惡鬼皆非真實但當不動不語一心念吾 有藥爐紫焰光發玉女九人環爐而立青龍白虎分據 老人遂與登華山雲臺奉入四十里餘見空屋嚴潔中 、開破波及坐下子春端坐不顧未頃而將軍者復來

とこりらんか 一 敦曰措大候余向使子無意聲吾藥成子亦上仙仙才 減數步子春爱生忘約不覺失聲云噫嘻聲未息身坐 **成斬之斬記見閻羅王苦無不嘗心念道士之言亦似** 難得也指路使歸續女 故處道士亦在前初五更矣見焰火起屋室俱焚道士 聰慧盧抱兒與之言不應盧大怒以兒頭撲石而碎血 執其妻令取到確妻叶哭竟不顧將軍曰此賊妖術己 可忍王令作女生宋州為啞女有盧進士迎為妻生男 陕西通志 咒

金方四月百十 恭播曰唐皇帝欲封禪如何對曰合封其後帝遂封禪 在其父兄疑響家所害請縣陳情義琰案之不能決夜 雕西李義琰貞觀中為華州縣尉縣忽失一人莫知所 播播曰待問泰山府君遂令呼之良久府君至拜謁甚 高祖将封東嶽華山道士李播浮風父也遣劉仁軟問 中執燭委細窮問據案俯首不覺死人即至循帶被傷 状云某人 |打殺置於某所井中公可早驗不然恐被 卷一百

次三甲在十二次一次西通志 聲秋冬夜多聞賣乾柴云是枯柴精也又或中秋望夜 俗說務本坊西門是思市或風雨曛晦皆聞其喧聚之 具級伏當時聞見者莫不驚歎珠林 移向他處不可尋愈義琰即親往果如所陳而響家始 見兩黑毛手出燈下乃各以一段置手中有項復出若 房玄齡杜如晦微時當偕之秦宿敷水店夜深對食忽 聞鬼吟云六街鼓絕行人歇九衛於於空有月有和者 云九衛生人何勞勞長安土盡槐根高歲時 平

金グロググラ 琴音傷人心不知爾亦傷心耶且曰君骨凡肉異非真 白聞之就酒對飲因請作一調弄太白不覺愴然生日 負琴生遊長安日在酒市負一琴弄必凄切感人李 去否對曰吾已醉飽被界吏差直二相蒙賜酒肉故 摘又各斟酒與之遂不復見食記就寢聞街中連呼 文昻忽一人應於燈下呼者曰東村延神酒食甚豐汝 仙也但一貴人亦貴不久同醉而回後數日太白復於

大三日年在時 1 有道氣使我生於人間與汝為友將授汝神仙之訣而 太宗時李淳風奏北斗七星當化為人明日至西京市 鄭又玄性橋率假尉唐與官罷因入長安褒城逆旅有 長安南大樹下見之方欣喜欲就問忽然而減古今書 汝輕果高傲終不得道言記忽不見神仙感 之乎又玄曰忘之矣童子曰我太清真人也上帝以爾 傅 童子十餘歲狀貌秀而慧謂又玄曰我與君故人省 陜西通志

積壤中其骨稿然獨唇吻與舌鮮潤遂以石函置於千 者聲自地中發以標表其所明日窮表下得一 貞觀中玉潤山悟真寺僧夜於藍溪忽聞有誦法華經 觀者千數後新羅僧竊石函去這室 佛殿下自是後每夕常有誦經聲在石函內長安士女 飲酒帝使人候之有胡僧七人入自金光門至西京酒 **叶飲酒使者宣勅七人笑曰此必淳風小兜言也忽不**)國史 異纂 顱骨在

火之马車合 死期祖陽 爾弟還無慮胡僧也自是池水忽漲溢岸胡僧羞悉而 上帝不許妄傳今急矣固無所怯有頃捧方至思邀曰 昆明池有仙方三千首能與子子将救汝老人曰此方 夕宣公曰可求孫先生至思邈石室求救孫謂曰我知 救口弟子昆明池龍也胡僧利弟子脳将為藥命在旦 祈雨凡七日縮水數尺池龍化為老人詣宣律和尚求 孫思邀隱居終南山時大旱西域僧請於昆明池結壇 快門通志 至

缺三寸不就百時 庭龍君小女也問牧羊何用曰非羊也雨工也雷霆之 儀鳳中柳毅於涇陽見婦人牧羊道畔怪而問之曰洞 有人遊終南山一乳洞洞深數里乳旋滴瀝成飛仙狀 類毅後配此女開元中循在異 **汧陽郡有張四郎廟上元中有韋氏子客汧至廟解鞍** 洞中己有数十眉目衣服形製精巧一處至青以上其 人因手承漱之經年再往見其像已成矣當手承處衣 M

文編風池 童長二三寸執刀勢削斯須失去周字人知唐必復與 則天初稱周方具告天文有吏人見大周字上有兩仙 如是者三生僕乃竊於除中何之夜將半展忽化為白 於前而寐明日已亡所在食項乃於館事五屋上得之 以憩見廟中有二展子乃結草而成色白制度極妙 烏飛於屋上韋生命取焚之乃飛去宣室 **议貯豪中及至郡郡守舍生於館亭中生以所得展致** 陕西通志

漿裝子待之甚謹積數年別去後三年復至裝子願從 後有道士宿逆旅謂衆曰此當是怪深夜持一古鏡潛 開元中長安裴氏子於延平門外莊居當有一老父求 聚發掘有大鼠百餘走出遂盡殺之其患乃絕緣湘 顧生命道士以鏡照之少年 棄兵甲奔走逐之約五七 萬歲元年長安道中有羣盜畫伏夜動行人往往遭殺 里少年盡入一大穴中道士守之至曙却復逆旅召 伺之俄有一隊少年至兵甲完具齊呵責道士曰何不

金定四月至書

一次定四重全事 一 終南山下見一徑直上生随至一處有人家見驢繋樹 數年復出兄弟數人皆至大官原化 學老父遂将西去至太白山下有石壁老父以杖叩之 下生叩門一老人延生入見華堂邃宇林亭池沿蓋仙 開元中吳人陸生貢舉在京常自駕其驢驢走生追至 白左淹洞至時可來此比至安史亂裴氏全家隱洞中 須史開乃一洞天老父引入留宿食以胡麻飲麟脯仙 酒裴告歸老父送之謂曰後二十年天下當亂此是太 陕西通志 五百

學合獻一女今授君 持杖入城誤 境也將辭老人曰君當處此願之乎生拜謝老人曰 床會侍郎下朝聞女亡時葉天師在朝奔遣邀屈天 生投杖攜女而去比下階顧見竹已化作女形殭卧 之曰持此入城中朝官家投竹取女慎勿入權貴家生 於門 取水噴叽死女立變為行又持刀禁吼遠宅尋索果 側得生生被擒遂被拷訊令錮項領從人至山 入户部王侍郎宅入閣見 術求之令取一青竹如人長 女臨鏡晨粧 師 在

自じに

一次足可和心 得小娘子消息延士人入謂曰君後日可暫至此如期 果有女子從水中出持真珠一笥以授士人 樹叩之喚阿青俄見幼婢從水中出得書甚喜曰久 非人昆明池神之女欲送書一封池西有斜柳樹君可 開元中有士人從洛陽道見一女子容服鮮麗謂云已 叩之若呼阿青當有人出士人入京送書池上果有此 水噀之黑霧數里食頃而散已失陸生所在記 生向山慟哭見老人杖策而下以杖畫地遂成一水取 陝西通志 五支

當俱死無益也羣巴益不輕作老人登山呼班子俄數 虎踵至噬巴人殆盡僅餘五六人老人曰以汝心善故 開元初有巴人 耳宜速去其倒樹至天寶末尚存漁異 太白廟前松栢百餘株各大十數圍羣巴見之喜代至 不聽老人曰我太白山神也亦不聽又曰不止且有 一十餘株忽一老人拄杖至前曰此神樹不宜伐羣門 東封次華陰見岳神迎謁帝問左右莫見遂名諸 八好代樹作板 日 百餘華自褒中

台ジロスとで

とこうること 其目學而啖之上問對曰臣終南進士鍾馗不第而死 雜俯伏殿庭東南大柏之下又名阿馬婆問之對如帝 鍾馗唐武徳中應舉不第觸階死後明皇晝寢夢一小 金天王帝自製碑文以龍異之開天傅 所見帝加禮敬令阿馬婆致意而旋尋站先諸岳封為 陛下帝顧笑之仍勃阿馬婆勒神先歸帝至廟見神索 巫問神安在老巫阿馬婆奏云在路左朱鬒紫衣迎候 鬼盗玉笛上比之忽有大鬼破帽蓝袍角带提小鬼刻 陕西通志 至

船之酒忽從頂出仆地化一酒榼乃集賢院中物也珍 蒙古賜袍帶葬之誓除天下虚耗帝悟感命吳道子圖 馬自門馳入宣勅曰城南十里甚公主墓見被賊切宣 簷下年十六七美風姿善談笑帝賜飲一斗不醉又逼 明皇召張果賜酒曰臣有弟子能飲俄一小道士自殿 其像儼然如夢中所見述異 天寶初嚴安之為萬年縣捕盗官事午有中使黄衣乗

豎眉目悉皆飛動安之思前劫使狀乃盟器劫使耳 賊訊其事賊曰總開墓至第一 2. 13:11 2.11 度疑其精魅引鏡逼之化為老狸而死異開 き 衣勅使騎馬內 王度至長安程雄家雄新受寄 地道緩及挺門 往捕之安之即領所由並器杖往掩捕見六七人 Ī 人揖狀如走勢幞頭角亦如風吹直 一時擒獲令求中使不得至縣乃召 陕西通志 一門有盟器勅使數人黃 好頗端嚴名曰鸚鵡 至 寧咸

貴妃以水精屏遺楊國忠上刻前代美人可三寸許服 此我當養之後半載貴妃遺夫人芝草夫人喚小猿令 猿收養纔半年會人言語資用頗乏故衞之夫人曰留 長安有僧賣一小樣號國夫人聞之問其由僧曰此小 女悉下各通名珍珠 玩雜用衆寶國忠置之樓上常偃息其下一日屏上諸 看唜小猿倒地化离一 甚異呵而問之小兒曰我本姓素隨父入山採藥 一小兒容貌端妍年可十四五夫

欽定四庫全書 | 王姥兒犯殺人罪訪一行求救一行心計渾天寺 默存牖下視之已就衣而失竟不知何之暫陽 至五歲一 興元城固縣有韋氏女两歲能語自然識字好讀佛經 化為猿夫人令人射殺之其小兒乃木人耳母奇 遂安於小室使侍婢常供飼藥食忽一日小兒與妈俱 述懷抱於夫人恨不能言今不期却變人身夫人奇之 日不覺變為樣我父棄我被此僧收養自受恩育甚欲 縣所有經悉讀過至八歲忽清晨薰衣靚粧 き 一 う 造

有廢園從午至昏當有物入來其數七可盡掩之奴悉 空其室徒大瓮於中又密選奴二人授以布囊曰某坊 處士劉平善吐納之術能夜中視物安禄山厚幣致於 見凡七日而復酉陽 陛下也莫若大赦天下玄宗從之又其夕太史奏 問曰太史奏昨夜北斗不見是何祥也曰天將大警於 獲而歸一行令寡瓮中朱題梵字語朝召至便殿玄宗 下平見禄山左右常有思物數十殊形詭狀持鑪持

賭級五色 滿山谷詰自何來曰自虧夏來供相公食轉首並無所 蓋以為導從平心異之及禄山朝覲與平俱至輦下行 禄山為邪物所輔遂逃入華山縣該 虚而至所衛禄山魑魅皆棄鑪投蓋狼羽而行平因知 唐天寶末禄山作亂梨園弟子有笛師者竄終南山谷 **が公杜悰一** 華陰縣值葉天師投龍於西嶽平見二青衣童子乘 日之費皆至萬錢西京李容見人收羊 1 陜西通志 五九

早食之被其逸也乃立而長嘯須更有虎十餘頭悉至 葉陰器能蔽人形其物覺後不見笛師因大惧歎曰不 五六曲乃哈嘻大鼾師懼覺乃抽身走出得上髙樹枝 山谷俄有物虎頭 如朝謁虎頭云適有吹笛小兒垂我之寐因而奔竄 下階愕胎虎頭人口美哉笛乎可復吹之如是累奏 有顧若因而寓居清宵朗月援笛而吹嘹唳之聲 分路四遠取之言記各散去五 更後復來云各行四 人形着白裕單衣自外而入笛師驚

至德二載安禄山之亂哥舒翰與賊將崔乾祐戰見黃 笛師乃遁去鴻 不見是日昭陵内石馬皆汗流的陵 旗軍數百隊官軍疑為賊賊亦疑為官軍相持久之忽 可及虎頭復跳身亦不至遂散去少間天曙行人稍積 視笑曰謂汝雲行電滅而乃在兹遂率諸虎攫取既不 五里求之不得會月落斜照忽見人影在髙樹上虎頭 至德中有調選同州督郵者姓崔忘其名出春明門

致定四車全書

陕西通志

青袍曰吾妻何得至是青袍即避案後令崔生與妻言 一青袍人乘馬出因相揖偕行徐問何官青袍云新受 妻云被追至此已數日准生即祈求青袍因令吏促放 生同坐通胥徒僧道等記次通詞訟獄囚崔生大驚謂 去同州數十里至斜路中有官吏拜迎青袍謂崔生曰 崔生異之即與連轡入斜路遂至一署青砲至廳與崔 同州督郵准云某新受此官君豈誤乎青袍笑而不答 君為陽道録事我為陰道録事路從此别豈不相送耶

とこうらいう 黑髭老君在京左街光天觀帳幄嚴備不知所置年月 忘既覺命畫工圖之宣示京師求訪其像於光天觀所 老若後遊洲島海嶽無不備到歷記隊從儀衛一無遺 崔生妻崔生請回青袍銭送崔生至同州問妻云病七 驗部仗人物與所夢同勑塑御容乘五色雲從老君後 唐代宗嘗夢為二青童所召混元聖祖命皇帝從遊海 外夢中隨二童至老君所帝著絳紗衣平天冠執玉立 八日都不記陰道見崔生言女怪 陕西通志

見一丈夫自門步來吟且嗟曰家依廷水岸身寄洋州 京遊蜀至此暴亡道左殯官是也即致莫拜这而去宣 未及遂不見歎曰實君豈為思耶明日行未數里有殯 館望月獨相思塵襟淚狼滿生見甚類竇裕特起與語 選高德道士七人住持刻石以紀其事道教靈 在路前識曰進士竇裕生鸞馳問館吏曰有進士寶自 吴興沈生善生調補金堂令至洋州舍於館亭夜半俄 大歷中進士竇裕下第將之成都至洋州無疾卒當與

金与四周百言

致定四車全書 · 桐復以臂堪生遽覺一身凛然若霜又以劍亂揮俄為 來生以劍揮之嫗忽上榻以臂提生久之又有一 志 崇里一夕就寝俄有一嫗容服潔白長二尺許於室之 亡明日又見嫗在北隅下將前且退若有所懼生又此 之遂沒生點念曰是必怪也即命劍置其榻下是夕果 北隅緩步而來漸迫其榻吕生吐之遂退去至北隅 大歷中有吕生者自會稽上虞尉調集於京師僑居永 陝西通志 一個

夜三更後忽見一老人白衣兩牙出吻外漸近床前有 大歷中有士人莊在渭南妻柳氏莊居一子年十二夏 也言畢退於北隅而沒明日吕生於北隅發之得 與始見者不異生懼甚嫗笑曰吾之來戲君耳非敢害 十餘極各長寸許環走四垣俱至榻前翕然合為 可受斛許貯水銀甚多生方悟嫗乃水銀精也宣室 飲其五臟見老人口大如箕子方叶一無所見婢已骨 熟眠因扼其喉咬然有聲攫食之須史骨露乃舉

飲定四車全書 李沁興元五年三月薨是月中使林遠於藍闕逆旅遇 樹其物雅去竟不知何怪難想 興元元年朱泚亂有關設立為段秀實告密使潛出 别遠到長安方聞其竟德宗聞之尤加恰異外傳 泌單騎常服言暫往衡山話四朝之重遇條然久之 两扇空中輪轉聲如分蜂忽合於柳氏首碎首齒看於 桃也取翫之遂長如拳驚顧之際已如盤矣曝然分為 矣數月後柳氏露坐有胡蜂達其首以扇擊墜地乃胡 陕西通志 而

荒蕪何也依云館卒並散逃此皆其家奴權且應奉 明有吏迎拜曰前館無人大使何以宿及問所送僕馬 假 良久敬立與似同食甚飽畜僕等皆如法敬立問似 知館官前鳳州河 翔夜抵太平舊館有二早衫 已不見所联輜重已却廻百步置路側館吏曰昔有 池縣尉劉少府殯宮在彼館後久已 馬至四更做又具饌令所借馬被財而行東方似 池縣尉劉俶敬立見之問曰此館 人控轡至應卓衫人通 **頼毀散立却** 甚 好] 曰

驗之 火 己の巨人 麗徐步於簾外歌曰涼風慕起驪山空長生殿鏁霜葉 縣借石甕寺文殊院居旬餘有紅裳既夕而至容色妹 惟吊孤影禎拜迎於門既即席問禎之姓氏禎具告禎 進士楊禎家於渭橋以居處繁雜頗妨肄業乃詣的應 記 紅裳又歌曰金殿不勝秋月斜石樓冷誰是相顧 紅朝来試入華清宮分明憶得開元中禎曰歌者誰耶 /廢館墙後有古殯宮木馬廢堠冥罨數人而已 陕西通志 态

記纂 中數有妖魔擊散藥爐邀自東仗剱相馥有巨虺及美 貞元中常自東以壯勇聞有道士煉丹於太白山石洞 長明公開元初帝封甚為西明夫人昨聞足下有幽陰 氏乎對曰某燧人氏之苗裔也漢明帝時十四代祖封 祖父親族曾遊石甕寺者無不熟識複異之曰可聞姓 自隙而出入西幢澄澄一燈因撲滅之後遂絕紅裳者 之志願一致顔自是晨去暮還禎乳母潛伏佛榻觀之

烈無餘全唐 てこうら ここ 貞元中什邡尉申屠澄赴官至真符縣東投茅舍中 餘振衣而起出門失所在蓋太陰錬形日將滿人必露 满函雅出於外驚視之忽有一人起於函被白髮長丈 妖魔已盡丹将成矣自束釋劍禮之俄而哭入藥爐爆 都務本坊貞元中有掘地遇一石函發之見物如絲 雜酉 组陽 至自東並以劍擊退後有道士駕鶴而来勞自東曰 陜西面も Ì

金云四月全書 詩全 話唐 男 老父及嫗一女年十四五態甚問麗與之訂婚後生 水漿於人有兒十三令伺客有女子求水衣碧襦白幅 貞元中望苑驛西有百姓王申構茅屋數樣夏月常饋 虎皮妻大笑曰此物尚在耶披之即變為虎哮吼而 自言家在此南十餘里夫死無子將適馬嵬訪親王 妻戲曰既無親能為我作新婦乎女笑曰願執井竈 女秩滿歸秦及過妻家不復有人於故衣中見 卷一百

钦定四事人 袖弓腰渾忘却羅韓空帶九秋霜鳳尋覺昏然無所記 春陽曲其詞曰長安少女玩春陽何處春陽不斷腸 祁 吟視其首篇曰春陽曲鳳即從東廳下几上取彩笺傳 應户牢如鍵乃壞門闔有物圓目鑿齒體如藍色衝 訴曰食將盡矣還睡復夢如初申與妻東燭呼其子不 而去其子惟餘骨髮 酉陽 王申即日賃衣貫禮為新婦及半夜王申妻夢子披髮 鳳居長安平康里畫寢夢一美人自西楹來執卷且 T T 陝西通志 玄

年乃歸至鄠縣西天色已與路隅有佛堂遐叔止馬忽 家貧不第將遊劍南與其妻許曰遲可周歲歸矣逾 貞元中進士獨孤遐叔家於長安崇賢里新娶白氏女 遊蕃 録夢 及更衣襟袖問得其解驚視復省所夢事在貞元中 聞墙外相呼聲有公子女郎十數輩步月徐來有 捫磚飛擊磚繞至地俏然 憂傷憔悴風韻若似遐叔之妻窺之大驚乃就指問 無所有退权長然悲悅

久三日日 ···· 道古遊號川半月矣未知馴死回至潼關西永豐倉路 青色者題曰撒豆聽十數日極歸華陰别墅時邑客李 言語與選叔所見並同姓籍夢 鄭制貞元中進士擢第調補門下典議第三十五莊居 其妻死矣平明疾走入門妻卧猶未與良久該夢中聚 棺椁衾襚斂之題冥器童背一曰鷹兒一曰鶻子馬有 髙為設膾食其夜暴卒時方暑不及候其家人即為具 在華陰縣南五六里與渭橋判官萬叔讓中外相厚巧 陝西通志 空

即逢行李僕馬不異李之所見而不復有言河東 金岁巴屋白雪 唐故兵戶尚書蕭昕為京兆尹京師大旱時天竺僧不 不肯過岳廟須史李至縣問吏吏曰鄭三十五郎今月 陰岳廟東馴曰自此徑路歸矣李曰且相隨至縣剔固 又指所乗馬曰無請看僕撒豆聽乃相與並轡頃到華 忽逢馴自北來車僕甚盛呼二童鷹兒鶻子參李大郎 初向渭橋亡枢昨夜歸莊李曰我適與鄭皓自潼關來 縣人吏皆曰不虚李乃大驚後人往往於京城間處

飲定四車全書 寺謂三藏為結壇致雨三藏乃命其徒取棒木皮尺餘 空三藏居於靜住寺善以持念召龍興雲雨昕於是詣 餘搖鬚振鱗自水出俄而身長數丈狀如曳素條忽亘 古有豢龍氏長安有豢龍戸觀水即知龍色目有無懿 天昕鞭馬疾驅未及數十步雲物凝晦暴雨驟降比及 鑽小龍於上轉呢震舌呼祝咒者食項即以鑽龍授昕 曰可投曲江中投記亟還昕如言投之旋有白龍纔尺 水崇里道中之水已若決渠矣宣室 陕西通志

龍來命就公府視之則於一小瓶子中倒於盆內乃 皇朝上言龍池中走失兩條往關東尋訪於東都魏 貞元二年李晟復京師朱泚以千餘人西走昏忽迷 搦 逡巡六已數尺濶其人諮訥曰恐穴更廣即難制也遂 **触找水内相越旋轉尾觸穴四隅隨觸而陷水亦暴** 細級魚也的日何以為驗其人鑿穴寸許注水其間收 池中見之取而歸闕經華州時李訥為華州刺史聞得 瓶中攜歸華下

歌軍事主 騎所迫時日暮馬岁見荆棘之深有殯官在馬生遂投 目於中應曰屬有貴客寄居吾不忍去其女子乃去生 宫南言曰金華夫人奉白雀女郎今夕風月好可以肆 匿其中既而風月澄露彷彿見一女子粧飾嚴麗至殯 李生貞元中下第歸途次商洛會漢南節度入與為導 去将安適此怒將殺之忽失所在維陽 問於田父曰豈非朱太尉耶源休止之曰漢皇帝田父 曰天不長凶地不生惡蛇不為龍鼠不為虎天網恢恢 陕西通志

嘗因清明節歸渭南行至昭應北歇馬於古道左見 葬馬生感之致真而去 宣室 林屋室甚城一青衣出傳主母命邀崔入宅既見從容 博陵雀書生住長安永樂里先有舊業在渭南貞元中 **叙言其王氏外甥女欲侍君子巾櫛住三日讌遊歡洽** 年青衣駐立以侯邀郎君至莊取北行一二里到一 女似失路於松柏間遂令以僕馬送纔數百步忽見長 明日至逆旅問之是博陵崔氏女隨父官遊而發遂葉 樹

少足可更在的 图 彦伯日往祈請忽見一白衣婦人姿容絕麗垂駁馬從 博物 貞元末渭南縣丞盧佩性篤孝其母病書脚曉夜痛楚 崔生於後門出繞出唯羌花半落松風晚清草露沾衣 佩即棄官奉母歸長安寓長樂里將欲竭産求國醫王 後周趙王女王姨之墓棺極儼然崔生感之急為掩極 王氏常呼其姨曰王姨忽一家大驚曰有賊至其妻推 而已見童僕以鐵鋪發掘一墓穴已至觀中見銘記 陝西通志

金以下人口不 於女僮手取所持小粧盒中樂 母曰未知何陷上答婦人曰但許奉九郎巾櫛則可遂 告婦人曰妾有薄技庶不減王彦伯佩驚喜入白母遂 引至母前婦人纔舉手侯之母已能自動 倏忽往來略無踪跡 諸苦頓平 曰此猶未也當要進一服藥非止除痼疾亦永着壽 女僮來謂佩曰觀君顏色憂沮似有所待佩具以情 佩即納為妻每十日一歸本家唯垂舊馬 且何其将出佩潛窺之見垂馬 刀圭以和進母母 一家歡躍

欠己日見公言 喪葬所在長須在京城中作生人妻娘子終不失所但 今安在女僮曰娘子是地祗管京兆府三百里内人家 以君孝行有感故為若婦今既見疑便當永訣矣佩 歸具告母自是婦人不復歸佩家使女僮傳語佩曰妾 地亚者遂指其處為次事軍即乘馬而回佩心甚惡之 後收拾紙錢載於馬上即變為銅錢又見婦人以策畫 出延與門馬行空中佩又隨至城東墓田中巫者陳設 酒稅瀝酒祭地即見婦人下馬就接而飲之其女僮隨 1 陜西通志 生 問

金片四月有書 奇石下有王維字印王不敢留遣使奉獻上命羣臣以 嗟九郎福祐太溥盧佩第九也 記 長安安業唐昌觀舊有玉藻花其花每發若項林瑶樹 維手跡較之無毫髮差謬確因 唐元和中有女子年可十七八衣綠編衣垂雙髻客色 石雅去憲宗朝高麗遣使言幾年月日大風雨中飛 雨中雷電交作屋宇俱壞不知所以後見軸空乃知畫 王維為岐王畫一石有天然之致數年益精彩一旦 卷一百 東 風

少是日野心寺 將乘馬顧謂黃衫者曰曩有玉峰之期自此行矣舉 空方悟神仙之遊餘香不散者經月餘時嚴休復元微 百餘步有輕風搖塵隨之而去須史塵減望之已在半 出自宫掖莫敢逼視停立良久令女僕取花数枚而出 白角扇障面直造花所異香芬馥聞數十步外觀者疑 **姣好從以二女而冠三小僕皆丱髻黃衫端麗無比以** 元和中博陵崔鼓係居長安延福里當讀書牖下忽見 劉禹錫白居易俱作王藥院真人降詩鄉談 陕西通志 圭

實應緣自負好文章髮戲曰恨汝非五 色者其僮笑趨 年又曰吾無逸少之藝雖得汝安所用俄而又投一篇 詩曰學問從君有詩書自我傳須知王逸少名價動干 **竟銀釣覧記笑曰既顧相從無乃後悔耶其僮又出** 楊拱立於袖中出一小幅文書致数前細字如栗歷然 曰能令音信通干里解致龍蛇運八行惆悵江生不見 可辨詩曰昔荷蒙恬惠尋遭仲叔投夫君不指使何處 僮長不盡尺謂曰幸寄君硯席可乎数不應已而上

街其箭酒陽 村 叔 阿連頭村正上縣迴尋之見破車輪六七片有頭抄尚 亦無他怪を 垣入 こうえいに 陰縣七級趙村有村正常 不知因指階前牡丹曰叔要此花素紫黄赤惟 侍郎愈有從子姓自江淮來年甚少曰其有 正知其魁射之若中木聲火即減聞啾啾曰射着我 穴中穀發其下得 室 铁西通艺 夜度橋見小兒聚火為戲 大筆因取書鋒銳如新 F1. 藝恨

遂給所須試之乃掘窠四面深及其根實紫鑛輕粉朱 諸客客曰盍以水武之白以劍畫地成竅置蟲於中沃 前足有物色白如衣帶縈繞數匝遽令解之血流數升 僧無可言近傳有白將軍者當於曲江洗馬忽然驚起 關馬不前十四字韓大驚異治遺作韓外 甥事 紅治其根牡丹本紫及花發色紅白每朵有一聯詩字 白異之遂封紙帖中藏於衣箱一日送客至滻水出示 色紫分明乃是韓出官時詩雲橫春嶺家何在雪擁藍 按仙傅

金兒四月全書

卷一百

裴璞杜陵章元方外兄也任邠州新平縣尉元和五年 官職掌武事故武飾耳元方曰何官曰西川掠剌使職 方驚喜拜之日兄去人間復效武職何也璞曰吾為陰 里抵偏店見前武吏躍馬而來騎從數十真裴璞也元 卒於官長慶初元方下第將客於隴右出開遠門數 風雨縣至大震數聲爾 黑氣如香烟徑出簷外衆懼曰必龍也遂急歸未數里 盤其上少項蟲蠕而長竅中泉湧倏忽自盤若一席 5 組陽 火 与日子 有

忽異香滿院俄聞履聲漸近數青衣推門而入曰步月 故不敢厚人生有命以道靜觀無復躁撓勉之哉湯 司人 之逢吾亦是前定合得白金二斤過此遺子又當復掠 為剩故掠之或令虚耗或索横事或買賣不及價價子 張庾元和十三年居長安昇道里南街十一月八日夜 逐勝不必樂遊原只此院小臺藤架可矣遂引少女七 人容色艷絕服飾華麗宛若豪貴家康走避堂中垂 剩財而掠之元方曰何謂剩財璞曰數外之財即 書

金定匹库全書

73

卷一百元

穆宗有事於南郊将謁太清宫長安縣主簿鄭前主役 墓若非妖狐乃是鬼物潛取指牀石徐開門突出望塵 地遂不復見度明年進士上第續至 才能暫出為主否乃閉門拒之度度此坊南街盡是墟 簾望之諸女徐行直詣藤下須史陳設牀楊雕盤玉樽 而擊正中臺盤紛然而散度逐之奪得一蓋及明視之 盃杓皆奇物八人環坐絲管方動命一青衣傳語曰秀 白角蓋奇不可名院中香氣數日不歇蓋後忽墮

欽定四庫全書 消盡轉達稀理骨窮荒失所依云云問之自陳姓李家 名曰聖瑞感應紀唐統 使修之則古井也驚顧之際已失老人所在該軍中尉 奉天城南小李村遭黨差過殺於此倘能歸骨必有以 報合次骨攜至奉天訪小李村葬之明日見女來謝曰 進士趙合太和初遊五原夜聞沙中女子悲吟曰雲鬃 劉弘規奏之帝命章處厚撰記柳公權書於實井之上 見白衣老人云此下有井正值皇帝過路汝速實之前 卷一百 政定四重全勢 成矣合受之究其玄微得度世詩唐 院主借筆砚來於麻柱上題詩曰黃子改頭好月明忘 **訖院主執燭將視之悉變為白鶴沖天而去書迹至今** 婦人從三四青衣逸塔言笑甚有風味回顧侍婢曰白 却華進到曉行烟收山低翠黛橫折得荷花遠恨生題 太和二年長安城南韋曲慈恩寺塔院月夕忽見一美 吾大父有行參同契續混元子能窮之龍虎之丹不日 陕西通志 艾

水中人也許語 友步月泉上見一人貌甚黑被綠袍自水中流沿泳吟 開成末永與坊王乙掘井過常井一丈餘無水忽聽下 詩曰夜月明皎皎綠波空悠悠久之入水沒明日又至 會昌開成中含元殿換一柱軍士下整屋山場購懸 有人語及雞甚喧闹近如隔壁井匠懼不敢掘白孔 ·朔屬縣夏陽有漢泉太和中有趙生者尉於夏陽與 所有神祠曰漢水神入廟見偶人被緑袍者前所見

欠三日日八十二 見驗矣解一尺八寸但訝霏色紅殷至二寸血流矣急 **欸有一狂士遠材惋咨聽其所說須當中鋸解至二尺** 賞有工人遇一巨材徑將衰丈其長百餘尺正中其選 年自邑中遊馬日暮見一婦人素衣自北而來謂韋曰 材中是巨蟒更十年當出樹杪而去若為殿柱後必載 命千百推曳涓流下聽其人云深山大澤實生龍蛇此 杜陵韋氏子家於韓城有別墅在邑北十餘里開成四 此殿而之他國吁可畏也言說失人廣記 陝西通志 させ

金与正屋有書 將去謂謹曰吾土地神也感子之意有以相報因出 望見東走數十步化為孤幸大恐視手中戶乃一髑髏 妾居邑北里今為里胥所辱將訟於官幸吾子與紙筆 父謹覺其飢取以遺之累食百餘謹知其異奉之愈敬 道士張謹者當客遊華陰市中賣瓜者買食之旁有老 酒若牛獨之狀宣室 與吾子盡醉幸方舉戶會有獵騎從西來引數犬婦人 書其事即約韋坐田野衣中出一酒巵曰默中有酒願

沙巴马手 **高之物皆失時關禁嚴急客行無驗不敢東度因止於** 皆付歸實負之将及關條忽不見既而德兒亦不見所 豈無情於子乎因擲行李還之大笑而去精神 進士祖價詠之孫也落第後嘗遊商山中夕至一空佛 田家遂為耕夫疲苦備至憩大樹下仰見二兒曰吾德 **詣謹自稱曰德兒歸質願侍左右謹納之凡書囊符法** 編書曰此禁孤魁術也宜勤行之謹當獨行忽有二奴 兒歸實也汝為奴苦否此符法我之書也今喜再獲吾 陕西通志 夫

金少巴尼台電 中是夕苦吟罷寒燭與君同夜久遂揖而退至明日 家人應有夢遠客已無腸又吟白草寒露裏亂山明 共坐價烹茶待之此人云今夕偶相遇後會難期顛賦 寺價與僕夫挨宿價獨翫月忽有一人自殿後出揖 三兩篇以述懷遂朗吟云家住驛北路百里無四鄰往 佛殿後南岡上價度其詩乃知是鬼為文弔之而去 不相問寂寂山家春又吟南岡夜蕭蕭青松與白楊 八云此前後數里並無人居但有書生客死者葬在 問 月

欠三日日 八十三 整射談 咸通九年春華陰縣南十餘里一夕風雨暴作有龍移 來同止謂約曰老夫欲至咸陽而蹒跚不能行若能負 咸通丁亥嚴隴西李夷遇為邠州從事有僕李約常 東西直亘南北拳巒草樹 湫自遠而至先是崖權高亞無貯水之所此夕小山 録解 京還が早行倦憩古槐下時有一父皤然偃而曳杖亦 頔 陝西通志 無所傷碧波迴塘湛若疏 칻 從 自

龍寺訪僧不值憩於大閣有終南山翁亦候僧偶坐久 陰以所得哥舒棒自後東之而趨時及開遠門東方明 無成翁曰此何難乃折指前竹葉置圖上渭水中 陳季卿者江南人舉進士至長安十年不歸一日於青 輕有物墜地視之乃敗極板也小贖 矣父數請下約束之愈急父求哀請命約不答忽覺背 我乎約不應父請之不已約日可登背父欣然而登約 一聲間有寒瀛圖季卿尋江南路太息日得此歸不悔

老一百

東足の事人に 羞不歸齡旬至家兄弟妻子迎見甚喜信宿謂其妻曰 立明日次潼關又作詩題之末白云已作羞歸計獨勝 急亂鴉又望寒林集此時報棹悲且吟獨對蓮花一 舟甚大恍然登舟行次禪窟寺題詩云霜鐘鳴時夕風 我試期已迫不可久留乃復進棹作詩别其妻云酒至 龍寺山翁尚擁褐而坐僧猶未歸季卿謝曰豈非夢耶 添愁飲詩成和淚吟飄然而去倏忽復至渭水徑趨青 曰注目於此如願矣季卿熟視即渭水波濤淘淘涌 陕西通志

棲岩曰汝亦好道乎棲岩以老莊黄庭對曰三景之中 界見一道士卧石上二玉女侍稱為太乙真君云乃 棲岩計窮乃去鞍任馬所之至一崖洞乗以入迥異塵 遇乾之九五道流以為龍馬云比登途歷險與馬俱墜 長生一日市馬欲入蜀日加豹秣瘦削益甚卜之道流 許棲岩岐陽人曾舉進士習業昊天觀朝祝靈仙以希 翁曰他日自知經月家人來訪具述所以題詩皆在異

曰去道近矣可教也飲以石髓復邀入别室見類陽尊 久二日日八十二日 達號縣則無復故居問鄉人世代已六十年出洞時 瑶華上宫何由至乎至人間仍放之渭曲既别逡巡已 偕從東海西龍山赴會畢歸洞中半月求還家真君曰 何得對以其精甚真息之以踵但却以思壽無窮真君 因怒傷稼謫以負荷子有仙骨得值不然此太白洞 天 汝飲石髓壽當干歲仍今垂馬以還曰此各洞中龍也 師棲岩熟視乃卜馬道士並謂真君當東遊十萬里乃 陕西通志

避 見長生青羊雙蹄無甲贖而殺之其怪遂絕誤異 巫設擅驅逐莫能止乃徙家避之會所親素有膽使獨 長安楊氏宅恒有青衣婦人不知由來每該之迎無畏 大中未棲岩復入太白山廣記 止其宅夜婦人至所親留之寝宿匿其所曳緑履求之 不得很須而去取履視之則羊蹄也尋之至宅東寺中 五女託買號縣田婆鎮乃市之擊馬鞍解放化龍而去 日悉取諸女襲中襟衣暴置庭前女不勝忽呼神

史已日巨人三 來矣及洵居之因月夜於書堂側屣步又聞石中云宋 月色如練廊房內聞音樂之聲曰今三人可各賦 太原掌書記姚康成奉使汧雕假邢君才舊宅二更後 穿石求之終不能得聞奇 請三郎入來洵欲走為數革所擒入石門遂閉僕夫急 縣東黃一山居未畢役者聞石中有婦人 進士宋洵下第南歸兄波為石泉令洵以縣邑宣雜 三郎來矣駐步聴之石門忽開見婦人數董再拜笑曰 陝西通志 語云宋三郎 坌

笛禿泰穰帚而已会唐 金人也是白雪 眉難就重陽又近也對黃花依舊後書過夏子題此蓋 唐時舉子下第不歸僦居長安寺刹謂之過夏有人請 鄭昌圖登第歲居長安夜後納凉於庭夢為人毆擊 王樓費志者也雜録 侯孤鴈叫斜月寒燈伴殘漏落盡梧桐秋影瘦鑑古畫 乩仙忽飛筆題詞塵上云凄凉天氣凄凉院宇凄凉時 取樂康成推門求之則皆失矣尋其處惟見有鐵錐破

得之 觀者如堵籍神 とこうこここ 殊寺寺中土偶數十驅忽自搖動狀如醉人食頃不止 扶 祭軍黄仁濟自言壬子歲罷汧陽主簿至鳳翔城有文 居 出春明門外至石橋上乃得解遺其紫羅履 云適有夫人賃驢至此入宅未還賃價其家實無 風馬震居長安平康坊聞扣門往看見一賃驢小 而寤甚困床前果失一 乙玉泉 **啖西**通志 一隻履旦令人於石橋上追尋 隻奔

金坑四庫全書 空矣馬生遂别卜遷定之續玄 儼然而體骨具足細視之有赤脈如紅線貫穿骨間 生號哭舉收斂之往南山驗其墳域如故發視棺中 馬瘦中而立馬生遂牽其裾卒然而倒乃白骨耳衣服 雲花寺有聖畫殿長安中謂之七聖畫初殿宇既製寺 山震驚號奔出已見下驢被人覺不暇隱減震逐之 付錢遣之經數日聞扣門又如此乃置人於門果有 八乗驢來漸近識之乃是震母七十一 卷一百 一年矣葬於南

文にの与いき 無敢繼其色者宣室 未晚也許之七人果挈絲繪将入且曰從此去七日 未盡其飾後畫工來見之大驚日真神妙之筆也於是 乎寺僧難之少年曰某不納直苟不可師意即圬其壁 七鶴翩翩望空飛去其殿中絲繪儼若四陽唯西北塘 凡六日間無有聞僧曰此必怪也遂發其封戸既改有 錮吾門無使有纖除不然則不能施其妙矣僧從其語 僧將施彩飾有七少年詣寺來謁曰某善畫願輸工 陕西通志 岩

岐州王祐常開館舍以待往來有一道士謁祐自稱華 凝随向觀之百步外有枯骨如雪箕路荒塚上眼鼻通 岐人于凝者常往來你涇問忽見馬首南顧鼻息恐駭 山道士攜一張琴負一壺藥來求寄泊纔曙辭去祐令 泊逆旅少年華凝為之導俄至其處端坐如故久之枯 心悸馬亦驚走遂馳赴旅舍凝即說之適有涇平十餘 明肯肋枝節可數凝即跨馬前逼枯骨乃凍然挺立凝 骸飲然自起徐南去聚各恐孽凝亦鞭馬而迎集異

とこうらしは 俄化為鳥飛沖天宣室 服線從之今因窺之乃一婦人首而蛇身婦人曰不幸 僧令因於子午谷過山往金州見一竹與先行有女僕 業重身忽變化上人何乃窺之問其僕曰欲送泰領之 言說即出一合子徑寸餘其色黑而光既啟即以身一 路君延坐與語久之僧曰檀越好奇請觀我玄妙之踪 大唐中有路氏子性好奇廬於太白山嘗有老僧叩 潜領之見道士化一大鹿西走不知所之 快西通志 録瀟 湘 £

突入温泉自浴須史之間雲蒸霧湧在風大起化一白龍 故老父曰狐龍死故哭爾我狐龍之子也人又問曰狐 龍上天知之遂命為龍亦猶人間自凡而成聖耳言記 何為化為龍老父曰此狐象西方之正氣而生故色白 昇天而去後三年忽有一老父每夜哭於山前人問其 驪山下有一白狐鷲撓山下人不能除乾符中忽一 上送及秦嶺亦不見婦人之首遂入林中矣聞奇 不與眾遊不與近處託於驪山下千餘年後偶合於雌 日

金云四周至書

太一百

而減奇事 唐長安谷規家貧兒女六人盡幼無計撫養其妻謂規 田今欲賣君妻奉錢十萬規許之老父送錢便挈妻去 曰存活無路欲自賣身以濟君及兒女如何規允之數 仍謂規曰或兒女思母但攜至山下訪我當令相見經 野寺老父命規入設食出妻相見妻聞兒女皆死號 一載後兒女皆死又貧乏規思老父言因往訪之俄見 有一老父及門規言妻欲自賣之意老父曰我家藍

次已日奉入馬

陝西通志

侌

家供養數十日其子心疑之求道士為設禁遂擊殺 唐坊州中部縣令長孫甲者其家篤信佛道一日齊次 白グロ 見其妻死古塚前其塚傍有穴規發塚見一 舉家見文殊菩薩乘五色雲從日邊下須東至齊所其 **泛氣絕老父怒擬謀害規規懼走出回顧已失宅所在** 來至家人敬禮如故其子復延道士禁咒如前菩薩問 狐令家奉馬一 知其妻為老孤所買賣事 匹錢五十千後數十日復有菩薩垂雲 老狐走出

とこうえいこう 當今君永無災横以此相報顧謂道士可即還馬及錢 宜活汝因杖道士一百畢謂令曰子孫無狀至相勞擾 道士汝讀道經知有孤剛子否答云知之菩薩云孤剛 博陵崔敏鼓性不懼鬼為華州刺史岳祠旁有人夜聞 言記飛去康異 廟中喧呼及視庭燎甚威兵數百人陳列受勒云當與 郎迎婦又曰崔使君在州勿妄飄風暴雨皆云不敢 者即我也我得仙来已三萬歲我子孫為汝所殺寧 陝西通志 至

有 馬次署曰楊行客牕牖平暗不能細瞻問侍者曰此 銀定四月至書 卧 歴へ 船宗初年鳳翔釋寫師者忽暴終三日而蘇云宴中 全忠乃青鞟白額虎鎖繫如初次署曰王建黃金林 既出遂無所見 白兔次署口李茂貞具冠冕如王者左右數侍女 黑龍眇一 何耶曰将來王者也判官謂使者曰好送 門見數殿各有榜 目中立鐵柱連鎖繫之次 卷一百 殿署云李克用於牖間窺 殿署云朱 師 回遂

岐下號入真和尚湯 禁三石因令著於簿寫自此每斷厚食惟荷葉湯而已 攝也一判官云和尚壽在而無禄名吏檢之只有乾荷 蘇事聞於官皆以為妄其後一皆符合初師為冥司所 聲少項漸近士人避於道旁見三騎冠帶如王者士 朱梁時有士人自確之が月夜行至曠野忽開有車騎 とこりうここ 躡之因言曰今奉命往邠州取三數千人未知以何道 取試為籌之其一日當以兵取又一曰兵取君子小 陝西通志

金分四厚全書 | 指項齒大痛具告主人勸呼符記士人從之痛已腫消 喧関漸次出口外痛頓止至半夜却聞蚤來之聲仍云 掀腫遂張口卧忽聞有聲發於銀齶若切切語言人馬 盩屋吏魁召士人訓子弟士素有蛀牙一 俱罹其禍宜以疫取同行者深以為然既車騎漸遠士 人至邠州則部民大疫死者甚衆所益 都郎回活王窠也似呵喝狀頰上蠢蠢然直入口彈 卷一百 日復作左腮

道家書載希夷初隱武當有五老人來聽講易謂希夷 長安富民楊氏家有鬼物為怪名僧衆作梵唄以祛之 至述蓝 風及張目已在華山石上又謂希夷之睡乃五龍藝法 曰吾軍日月池中龍也此非君所棲令其閉目凌空馳 爻謂弟子賈得异曰當有不速之客三人少頃見三仙 陳希夷曾當春日於華山水邊石上閒步偶益遇需上 盖龍所授也都穆游 見の形に

多定四庫全書 庭遇物凌觸而物無所損 同 俄有物搜其道具或投於屋或棄於井庫僧惶懼 復 腰着豹皮禪觀者畧數千人常以大樹庇身累日乃 义既至野次見之如人形狀正如圖畫髮朱皮如螺蚌 乃至擣衣砧石亦自空中腾起三三兩兩相逐而落中 見盡慢 朝舉進士寓居長安昇道里一日晚南行百步眺終 北境良輔鎮即唐鄭魏公莊也嘉祐中出城看夜 卷一百: 翊聖保 真君 傅 徳 而

を己の 巨心 宋時同州有白蛇為害知者皆不敢出守政和間有室 十步而沒宣室 善為詩願見贈朝因命筆賦詩美人求絳箋寫詩答之 待耶願郎歸所居入見堂中設茵毯張帳帝錦繡輝 筆札甚工遂在左在撤惟部命燭登車朝送至門未數 名花故來與君一醉耳即命酒通酌夜開謂朝曰聞 頃之有金車至門一美人入門與駒相見曰聞此地 南峰見一 騎自西馳來近乃雙襲因駐謂朝曰郎非見 志 P 陝西通志 华 君 有

金元旦西台書 許 及壇畔有大蛇至遂飛劍殺之已又斬如柱楹者二 體 諸醫藥之不效一夕夢一 房寅韓城人善呪禁之術墓在文衛之陽宋真宗病疽 報 相 飛符良久風雷四起俄白氣滃於天際火從穴發漸 将其到官張樂會僚忽視妈皆衣白家人知中妖騎 相君白徽宗記虚靜張天師來治問得此所結壇 志 貫 如無病者帝問何人 神人以水與之者數四頓覺 對日臣家韓城居槐柏 相 纜

とこうらいた **祷朝響應韓城** 母曰死後顧以牛車載送西山之上言記而終父母置 其姓氏家居歷歷陳之已而不見詔訪所居果得之因 之車中未及駕牛其車自行踰沔漢二水直上盡口平 上雲雨晦冥若有所感而孕父母責之憂患而終謂其 **勃建廟以祀香火日盛澄部諸邦亦皆建祀疾病痛楚** 褒女者漢中人也居漢沔間幼好道既笄浣紗於濜水 Ą 事欲作祀未果一夕復夢神人至復詰 陝西通志

耶陳襄丈 金定四月全書 其女昇天而去邑人立祠祭之水旱祈禱俱驗盡 頂雙轍迹存集仙 石方十餘丈自上而下正塞巖口豈仙者蛟山靈護之 酒灑口中呼為卧仙好事者作木榻以薦之嘉祐中 元山頂家人追之但見五雲如益天樂駭空幢節導從 昌雜 陰令王真妻趙氏燕中富人女少適真泊隨之任近 嶽張超谷嚴石下有僵尸蓝髮皆完春時遊人多以 録 銶 U 有

文皇日年合告 图 鄜延長吏有大竹凌雲可三四圍伐之見二仙翁對云 所籍稻葉食之日数尺乃死斂畢棺中忽有聲若題蹋 建炎初石泉縣民楊廣得疾絕惡見人自隙窺之時掉 氏亦化蛇奔突隨入華山久之不見緣湘 自什氣絕少年化一大蛇奔災而去真乃令婢扶掖起 真自外入見少年與氏飲酌歡笑真大驚訝趙氏不覺 半年忽有一少年每何真出朝至氏室因戲誘私之忽 平生深根勁節惜為主人所伐言罪垂雲而去雖怪 陕西通志 尘

者啟之則一 給雲丞說鬼仙英華事蹟尤有依據又二年李與同僚 修武郎王直臣往驗之備得其事請尊 忿怒取到草刀刺之立死廣妻遂訴縣稱婦殺翁縣遣 之陈屋中一日其子婦持草飼驢忽跳齧婦背流血婦 及名削守所居相去百步必過姚夜話李因得識之賈 李德遠紹與中與福州姚知縣同邱時姚之舊友賈縣 長安人談驪山宮闕故都井邑之事滾滾可聴又當為 聽雖出嘶鳴甚壯衣帽如蟬蛇然家人勢

たこういろした 曾去燈速知乃鬼爾異聞 流該軍門告急莫知為誰忽有人曰城隍廟塑馬迄今 兵烏魯大王憩兵同州界八魚井見老翁馳白馬汗如 金天會戊申有紅中十萬攻城危甚忽大兵至破賊統 今十年安得如君所云李方懼徐思未當白晝來其坐 日然是人自縉雲罷即死其兄葬之某處吾送之空于 以所聞告唐駭曰得非長身多髯者乎曰然陝西人乎 唐信道語怪唐具述英華李應答如響唐曰君何知之 爽西西き 1

金定四庫全書 言說而去久之姬之女長而且美一日有日大王者騎 間遂用偽獻留不還曰汝可呼汝女行酒以疾解大王 色曰二十年後當有難今以鐵節授汝至時急投諸火 **怒便欲為姦嫗思道流之說計成數又合乃解鐵簡** 否嫗平日數為他人借觀因造一偽物而以真者懸腰 從甚都借宿極家遣左右謂曰聞得異人鐵簡可出示 陝西某縣一 老嫗住莊村間日有道流乞食與之無各

文色司軍 三方 鸠魔得罪真道賴大士救免因假女屍幸獲侍左右凱 齊器用悉金銀寶玉赴告有司籍入官庫台哈布哈為西 好女子已而忽失所在是夕人定乃出拜燈下曰身本 臺御史日閱其案曰鬼贓報耕 布政方視事使聞人入解見老蝎伏榻上輾轉間又成 病死復生遂以文史知名時有布政丧儷遂娶之月餘 西安有蝎魔寺塑大蝎於福相傅明初有女子素不慧 酒竈火內既而電掣雷轟擊死獨猴數十其一 陝西通志 九直 甚鉅所

馬 金与口压台書 成化二十 有胡淡題訪之行三里許峽必如門逸運而進小庵 中净 領之女子遂隱他日乃命所司建寺郎珠續庚 近東門城 溪洞在興安州南二十里成化中知州鄭福聞洞中 人對爽化白雲飛去遺石局數十基子推之動 一蘭若報大士之德今聰迹已彰幸公哀憐布政 貫 年部陽民王與左拇甲出龍先是甲內見 怎一 旗巳 竿編 在 闗

2)] ... 飛去買 方謂如此清異之處當與友共遊置若於几急出呼友 開視其額有蟾宮吸月亭字遂入有一女子以茗飲之 蟾宫吸月亭在斗山後時有白氣亘天土人多見之明 後當去幸勿訝至期雷雨大作自牖出其手有龍裂甲 孝廉方策偕友讀書斗山寺間偶步山麓忽見重門 夢一男子形容甚異謂與曰余乃龍也滴托君體三日 紅紋如線行曲每雷雨輛旋動小苦興數欲剔去之後 夾馬匠島 しと 洞

敏定匹庫全書 肉翅自深潭盤旋而出其聲如雷以翅裏牛入水衆用 嘉靖十二年褒人於廣水之限飲牛見一物如牛 駁且悅之稍狎馬女怒曰帝以吾心侈大怒而謫來七 五擊之遂深入牛乃出漢中 五色因取裘及之化為白龍迴翔登天而去扶風 日當去遂入居佛寺講室及期取杯水飲之噓成雲氣 至已迷矣漢中 扶風馬孺子與羣兒戲郊亭上忽有奇女墮地羣兒 7

蒲城羅秀才館邑之東偏遇一僧毰毸披髮貌甚奇古 出圓紙吹上屋梁忽成皎月向祠東壁以手指畫門豁 生問從來笑而不答邀至館授以一餐僧曰明日侯我 俄見十六麗妹亦出自壁門纖謳乍發雅樂齊鳴咸呈 於東嶽神祠如期而赴良久僧至時已晷黑僧乃於袖 欠きの事合語 妙技羅目眩神駭逡巡求退僧舉袖一揮妓僕器物 備具酒再行僧曰寂寂無以娱賓可命妓能歌舞者來 然開長鬚数人從壁門出布設坐錦屏繡縟海錯山珍 陕西通志 なら

金グロガイ 晓恨惘回書館竹葉樂猶在掌中閱三年奇旱羅貧困 僧仍於袖出一木龍令羅垂之倭長數丈干林萬盤瞬 此乃免羅祇受假寐少頃依然身在嶽祠門外天南向 前細竹數寸贈羅曰若歸後殷邦十五年鬼井奇祲用 息而過僧呼曰可下矣下則一海島茅庵也庵外白虎 **隱入壁中梁月隨人移照嶽祠外旗樓鼓聲已三嚴矣** 張口向羅僧叱之羅悽怖求歸僧傾小藥丸如豆斷庭 取樂偶向屈戌磨之樂化火發融為黃金又以竹節畫

欠こりをいます 過秦邱見一巨人從東柵來高三丈餘至蕭墙東南隅 射地望南去城寧 扶墙内望若有太息聲越明年一宗室出門又見一巨 嘉靖二十四年别駕王濯征未第時同二三友人丙夜 為常次年稔遂失竹枝所在殷邦蓋謂嘉靖十五即七 地成圈輛得胡餅 八兩年鬼井乃泰分也腳 從北着白衣白情耳有鑵萬二丈餘兩目炯炯火光 枚啖至三枚再劃則不成矣日以 陕西通志 九七

化齊葉仰視日近已曰非其時矣道人乃舒右手抹翁 長安明時五隅頭有葉姓老翁鬚已皓然一道人過之 督學在山西巡撫江南止其後一一皆驗鄉 絲雞理無幽顯故遠叩書帽自此及夕即來踰歲乃絕 讀有女子碧襦紅裳欸戶曰妄即君之婦劉氏也誼托 宜君楊筠湄締婚中部劉氏未娶而劉妖筠湄書齊夜 右頰尋鬚而下曰美哉鬚遂飄然而行少時侍婢見右 筠湄詢以科名口占四語云中舉中進士做官做御史

隴西道出乾州土人云過則天陵如有謾語輒以雷雨 温韜發諸陵惟乾陵風雨不可發嘉靖戊戌先君作吏 畏至盤道山北散為有翼螻蟻永毒 報之先君弗信為一 結成人馬形有乘馬者有步行者宛然如生皆雄傑可 嘉靖三十九年永壽城西武亭河岸穴中出白霧俄然 鬚純黑而半面內色亦嫩如少年後翁得上 フラシ ここう 詩誠之行不數里雷雨大作仲 灰西直き 土

多定匹庫全書 崇禎甲戌澄城關帝廟有畫虎道士諷經至夜三鼓見 壁忽不見二申 言去得否徐伺之乃二泥鬼言也須史二鬼下臺東向 吉給諫時為諸生讀書城隍廟偶幕歸忽聞門下有 虎雙眸炯然從壁而下若將噬人道士取斧格之虎上 而不亡何作然 再過其地復賦一 時因尾之一鬼曰勿高言吉解元在後尋至一人家 一詩誠之中道亦遭風雨千年虐焰死

シー・フラー シャラ 崇禎未蒲城人屈曼為縣隸當中途醉卧夜半見古槐 骸成漆色生毛髮亦蟻數斜盡焚棄之 殺親臨發掘及閉有大蛇十數皆長丈餘回 李自成祖墳為厭勝計喬年以聞報可事下知縣邊 米脂諸生賀時雨貢生艾詔諸督師汪喬年上書請 字貼床頭女尋愈後時果發解暴去 如點魔狀至五更方甦時令取硃紙書吉解元在此 門即開以納次日往訊主人言有女得疾每起鼓 安西面 ち 之 走 緩 旋其中 九九

銀定四庫全書 間有少年書生仰月呼吸俄而口吐一珠色亦於火以 手承弄曼踉蹌而前奪取吞嗾書生怒爭不已既而 體遂現立命蓮斃掩埋逾夕其地墳起成一小穴若 翻 謂曼得隱形術適御史巡蒲録諸訟牒怨家重賂曼徑 假汝經年仍當歸我隨失所在曼吞珠後體甚聽忽咸 堂掣牒左右無見者御史覺階前有半體 自動心甚駭異急以所佩印重按之忽得人手其全 狀益書生取珠為之 有 翻 日

錫見之華州 明末少華峰有龍出玉皇殿泥龍內坐山道人及張天 秦孝公用商君當臨涓論四涓水盡赤孝公卒太子立 鑒戒

發吏捕商君商君亡至關下欲舍客舍主人不知其是

商君也曰商君之法舍人無驗者坐之商君喟然歎曰

沙之四事全事 思

嗟乎為法之弊至此哉 史記商

郭解軟人徒入關關中賢豪知與不知聞其聲爭

陕西通志

T

史捕解解亡置其母家室夏陽身至臨晉出關久之得解 事下丞相御史按驗廣漢疑丞相夫人殺侍婢欲以脇 解殺楊季主楊李主家上書人又殺之闕下上聞乃下 杜鑫氣見事風生以私怨論殺男子禁畜人上書言之 趙廣漢為京兆尹好用世吏子孫新進少年者專属强 丞相乃将吏卒入丞相府召夫人跪庭下受辭收奴婢 十餘人去丞相上書自陳上惡之下廣漢廷尉竟坐

シーラシ ここ 守捕郡中豪猾相連坐千餘家上書請大者族小者 罪以為大逆當族自殺吏郎酷 減宣為左內史其治米鹽事小大皆關其手自部署縣 使配令格殺信吏卒格信時射中上林苑門宣下吏抵 王温舒者陽陵人為御史督盗賊殺傷甚多邊河內太 名曹實物官吏令丞弗得擅搖動以重法繩之居官數 廢為右扶風坐怨成信漢書日成信亡藏上林中宣 夹马鹿山

兄弟死於獄中悉沒貴財億七千餘萬後漢書 其守藏婢云乃盜白珠十斛紫金千斤以叛遂收考奮 豪吏温舒匿其吏華成及人有變告温舒他姦利事罪 董卓既死當時日月清淨微風不起旻璜等及宗族老 五千萬奮以三千萬與之真大怒乃告郡縣認奮母為 扶風人士孫奮居富而性各梁冀以乗馬遺之從貸錢 流血十餘里其好殺伐行威如此歲餘會宛軍發記徵 至族自殺史郎酷 老! 久己日日 白書 催等葬董卓於郡葬日大風雨霆震卓墓流水入藏漂 斤珠玉錦繡奇玩雜物皆山崇阜積不可知數英雄李 門曰乞脫我死即斬首素氏門生故吏改殯諸者死於 為燈光明達旦如是積日後卓故部曲妆所燒者灰并 膏流浸地草為之丹守尸吏冥以為大炷致卓臍中以 邵者斂聚董氏尸於其側而焚之暴卓尸於市卓素肥 弱悉在郿皆還為其羣下所斫射卓母年九十走至塢 | 棺棺之葬於郿卓塢中金有二三萬斤銀八九萬 陝西通志

将軍領司雅二州牧歸王敦卒為敦所誅母書 王如新豐人初為州武吏時關中荒残潛結無賴諸 皇初中姚興給事黃門侍郎古成就每以天下是非 而泣曰吾當私刃斬之以崇風教遂持劍求髙高懼逃 已任時京兆韋髙慕阮籍為人居母喪彈琴飲酒詵 垂夜襲破山簡杜殺軍於是馬翊嚴凝長安侯脫等 -其黨攻城殺令以應之未幾衆至四五萬自號

とこりういけ 法崔浩時從行因進其說記誅長安沙門焚破佛像動 物益以萬計又為曲室與貴室女私亂帝既怒沙門非 官酒從官入其便室見大有弓矢矛楯出以奏聞帝曰 此非沙門所用當與益吳同謀規害人耳命有司案誅 沙門種麥寺内御翳牧馬於麥中帝入觀馬沙門飲從 魏益吳反杏城關中騷動帝西伐至於長安先是長安 匿終身不敢見詵姚興 寺閱其財產大得釀酒具及州郡收守富人所寄藏 突西通志

管禁性嚴酷當按部道次見載荆堪為華命取之輔以 銀分四月至書 開府儀同三司隋文帝受禪徵為武侯將軍除幽州 燕榮華陰人性剛嚴有武藝仕周從武帝伐齊以功授 杜陵人韋伯昕學尚有壮氣自以才智優於裴植常輕 下四方令一依長安故事魏書)延昌末告植謀為廢點植坐死後百餘日伯昕亦病 臨亡見植為崇云魏書表 人或自陳無谷祭曰有罪當免及後犯将過之 總

たこりう ハナア 暴縱日甚元弘嗣除幽州長史懼辱固辭上知之劫祭 如舊每巡省管內聞人吏妻有美色輒舍其室而淫之 曰前被杖許有罪有之祭曰無過尚爾况有過耶榜捶 毒虐又贓穢狼籍徵還京賜死先是榮家寝室無故有 弘嗣杖十已上罪皆奏聞荣遣弘嗣監納倉栗 聽得 其妻詣闕稱冤上遣考功侍郎劉士龍馳驛鞫問奏禁 怨隙日構遂收付獄絕其糧弘嗣飢抽衣絮雜水咽之 批罰之每答不滿十一日中或至三數如是歷年 陕西通を

捶殺之求沙門相聚講論及共為佛會者數百人文同 名而數之因令判本為木橛埋之於庭出尺餘四面各 蛆數斜從地噴出未幾禁死於其處此史 王文同頻陽人開皇中以軍功拜儀同煬帝嗣位出為 山郡賢務有一豪猾每持長吏長短文同下車聞 諸郡北至河間召郡官人小有遲違者輒覆面於地 背應時漬烟郡中大駭及帝征遼東今文同巡察河 小概令其人路心於木概上縛四支於小概以棒 酷

俱羅傳 魚俱羅鄉人下初場帝在藩俱羅弟贊以左右從累遷 各奏其事帝聞大怒遣使馳鎖之斬於河間北 女者數千人復將殺之郡中士女號哭於路諸郡驚駭 以為聚結或衆盡斬之又悉裸僧尼驗有淫狀非童男 舌帝以赞藩邸之舊不忍加誅令自為計贊飲藥而死 右炎肉遇不中意以籤刺其眼有温酒不適者立斷其 大都督帝嗣位拜車騎將軍贊性凶暴虐其部下令左 傅史

敏定四庫全書 而死廣古今 囊開之則丹也弼喜持之下山忽聞呼弼聲回顧乃道 卒以為嚴樂後生一子頭下肩上有若肉如無頸數歲 大業中京兆獄卒失其名酷暴諸囚囚不堪其苦而獄 劫之斷手別足顏色不變并斬其首解衣見肘後有亦 久一日以家艱辭去道者遺丹十粒令一粒化赤銅 隋大業末有道者居太白山煉丹砂有成弼者給侍甚 斤足瓣葬事弼還如言襄事復入山求丹不與乃持刃 卷一百百五 沙宝四事全島 稱勒呼鄭王世充與兄世惲趙出修德等殺之其餘兄 未偷置雅州解舍獨孤機之子修德即兄弟至其所橋 武德四年赦王世充為庶人與兄弟子姪處蜀以防夫 造金凡造数萬斤而丹盡因求去帝令列其方例訴 姦弼自列能成黃金唐太宗召試有驗因授五品官令 言已不見殉既得丹多變黃金家大富則為人告云有 者也曰吾不期與子至此子受丹神必誅汝終如吾矣 知帝謂其許遂令斷手則足斬首如道者云演異 陝西通志 至

越解雄遠多策界以蔭為千牛備身謝病去感厲讀書 李密字元選其先襄平人父寬隋上柱國遂家長安密 號魏公密殺讓心稍騙武徳元年王世充悉 泉決戰密 萬人密以策干讓讓分兵與密號蒲山公推為盟主建 以蒲韉乗牛挂漢書一帙角上行且讀時賊翟讓聚黨 世充所殺故修德報仇通 弟子姪等於道亦以謀及誅武德二年獨孙機兄弟為 ヨグロルと 潰歸屬中高祖拜光禄卿封邢國公殊怨望高祖部 鑑

文之四事人言 熱或冷能消草木金鐵人手入水即銷爛欲取之以駱 樂異石有藥名畔茶位水出山中石回內有七種色或 長史王元策破帝那伏國得之自言壽三百歲云有長 生之術太宗深加敬禮造延年之樂發使天下採諸奇 彦師擊斬之事書 以本兵就黎陽招撫故部曲王伯當為副馳至稠桑驛 那羅邇娑娑寐帝那伏國人也貞觀二十二年右衛率 有話復召密密大懼謀叛伯當止之不從熊州副將威 陜西通志 巨

延歲月術卒不就終死於長安冊府 白鐵余者延州稽胡也先於深山中埋 樂名咀賴羅在髙山石崖腹有石孔孔前有一小樹其 金グロ 飛去即以衆箭射鳥而取其葉說異之事類多如此徒 取此樹為藥以大方頭箭射取枝葉葉下便有鳥街將 葉青緑狀如黎杏石孔中有大毒蛇守之人不得到欲 石桂似人形守之若彼山人傳道出此水者即死又有 **駝髑髏沈於石回以水轉注勢蘆中每有此水處即有** 銅佛像經

火色の巨人語 近相傳莫不欲見宣言曰見聖佛者百病即愈計百里 年草生其上記鄉人曰吾昨夜山下過見有佛光於是 老小士女皆就之乃維綾為袋數十重威佛像人來觀 施捨百餘萬即於埋處斷之得銅佛鄉人以為聖人遠 者去其一重一回布施獲干萬乃見其像如此矯偽 不得則詭曰諸人不至誠布施佛不可見是日男女爭 卜日設齊以出聖佛及期集數百人命於非所藏處斷 二年鄉人歸伏遂作胤自稱光王署置官屬設長吏為 突西通志 É

金少四四五十十 官至尚垂奉御封襄陽郡公承乾謀反荷曰琅邪顔利 患数年命将軍程務挺討斬之朝野 杜如晦次子荷杜陵人、性暴說不循法尚城陽公主 不敢動遺愛曰若國有變當與公共輔荆王謀洩下獄 入朝與房遺爱既甚因曰我雖病足坐置京師諸輩循 薛萬均弟萬徹成陽人高宗永徽二年授寧州刺史 仁善星數言天有變宜建大事陛下當為太上皇請稱

傳晦 駭 臣曰善命取甕具熾火徐謂與曰有詔按君請當之與 多不服奈何曰易耳内之大甕熾炭周之何事不承俊 制獄文深峭妄殺數千人天授中人告與與丘神動謀 周與萬年人少習法律自尚書吏積遷秋官侍即屢決 反詔來俊臣鞫狀與未知被告方對俊臣食俊臣曰囚 上必臨問可以得志及敗坐誅臨刑意象軒 叩頭服罪 本唐 够

來俊臣萬年人凶險不事生産妄告密引見則天以為 臣造告密羅織經一卷皆有條貫支節布置事由每鞫 忠累遷侍御史按制獄少不會意者必引之前後至族 災之並絕其粮至有抽衣絮以敢者每有赦令後臣必 囚無輕重多以醋雅鼻禁地牢中或藏之甕中以火透 千餘家則天於麗景門别置推事院令後臣等按鞫俊 先遣獄卒盡殺重囚然後宣示由是告密之徒紛然道 路諸武及太平公主恐懼共發其罪乃棄市國人無少

多定四库全書

处已可見入言 飛看其飛得近遠遠者為勝近者為負以此戲樂在家 續皆京宰於前常與諸子取爲雀以刀齊刈其頭即放 實弟兄謀反誅得遷游擊將軍常衣錦半臂自異俄流 按獄多徇后古故賜姓武字家臣既誣雅州刺史劉行 來子珣萬年人永昌初上疏擢左臺監察御史后倚以 長皆然之競副其肉斯須盡矣舊唐書 臣傳附 則天初京兆人李全聞家富於財性好殺戮猪羊驢 陝西通志 孠

肺 如虎口似鷹吻又生一子從項至腰有縫撥看見其心 其妻生男項上有內加鳥獸魚鱉形或無眼鼻者數 又有一片皮垂至於頭有似人着帽馬後生一子牙 其妻初生一子自眼上映有皮垂下至於鼻從額已後 極嚴殘婢妾及奴客少有事或懸開其心或剜去其 侍御史侯思止醴泉賣餅食人也羅告准例酬五品 五臟生而俱死其兄亦好鷹犬弋獵性又殘忍酷 記令 目

孟青棒也後坐私蓄錦朝堂決殺之朝野 俊即與你孟青橫遭苦楚非命者不可勝數白司馬者 國觸罪人而已遂授之凡推勘殺戮甚眾更無餘語唯 於萬年縣街內行逢一女人塔抱兒相逐昌期馬鞭撥 張易之兄弟驕貴强奪莊宅奴婢姬妾不可勝數昌期 北邙山司馬坂也來俊者中丞來俊臣也孟青者将軍 謂囚徒曰不用你書言筆語止還我白司馬若不肯來 於上前索御史上曰卿不識字對曰解多豈識字但為 俠西通志 至

たい可見という

常謂人曰丈夫當如此今時千人推我不能倒及其敗 **肯彦瑋進狀告之上令二給事先入彦瑋房中下蕪坐** 萬年縣尉常彦瑋索錢一百千云我是劉果毅當與富 也萬人擎我不能起俄而事敗兄弟俱斬朝野 其頭巾女婦罵之昌期顧謂奴曰横駅将來婿投極三 牕下聴之有頃誠之及盧干仭至坐談彦瑋引之說國 天受年彭城劉誠之粗險不調凌上忽下恐嚇財物從 四狀並不出昌期捉送萬年縣誣以他罪決死之昌儀

御史朝野 免己日日 Am 萬死者十三四仍嚴錮舊道不許人行其新路每經夏 崔提為襄州刺史請别開南山新路以趣商州役工數 碎而商州奏請復依舊路冊府 於路山南人先若提所後競以磚五投鄉其尸應時盡 吾捕捉親問之具承遂腰斬誠之千仞處絞授彦瑋侍 潦推壓路陷行旅艱辛僵仆相繼後提流 嶺表俄誅戮 家短長無所忌諱給事一 飲西通志 紙筆抄之以進上怒令 重

景雲中西京霖雨六十餘日有一胡僧名寶嚴自云有 胡僧其雨遂止鈉 術能止雨設壇場讀經呪其時禁屠家寶嚴用羊二十 許暫停有違暴刻所由決杖無何日知貶歙縣丞被縣 京兆尹崔日知處分長安萬年及諸縣左降流移人不 相王誅逆韋崔日用將兵杜曲誅諸韋畧畫綳子中嬰 口馬二足以祭祈讀經五十餘日其雨更盛於是斬逐 亦捏殺之朝野 載野

逆服制獄械率有名曰驢駒拔橛犢子懸等以怖下又 楊虞卿為京兆尹市里有三王子力能揭巨石遍身圖 絕髮以石脅承之時監察御史李萬李全交皆嚴酷與 **劉前後合抵死數四皆匿軍以免會有過楊合所由數** 家催求與妻子别不得朝野 王旭侍中珪孫神龍初遷累左臺侍御史每治獄囚皆 問便合當辜強想 人捕獲閉關杖殺之判云剌劉四肢口稱王子何須訊 ラシー ここう 夾馬直を 至

一多定四库全書 憲官屬納希虬兄為劍南令坐贓旭奉使臨訊見其妻 都縣 美逼亂之囚殺其夫納贓數百萬希虬泣訴於王王為 王涯有再從弟沐家於江南貧且老聞涯為相跨驢 上間記劾治獲姦贓不肯貶龍州尉悉而死唐書本 旭埒京師號三豹里問至相詛曰若違教值三豹宋王 久之沐因嬖奴以道所欲涯許以徽官自是旦夕造門 /欲求一 |薄尉留長安二歲始得一見涯待之殊落寞 卷一百; 詣

シスララシ シナラ 以俟命及涯家被收沐適在其第與涯俱腰斬舒元 有族子守燕愿而敏元與爱之從元與者且十年一 鑑通 與亦不留悲嘆而去夕至昭應聞元與收族守謙獨免 忽以非罪怒之日加譴責奴婢革亦薄之守議求歸不 一数日不能遍宅內有自雨亭從簷上飛流四注當夏 1凛若髙秋又有寶鈿井欄不知其價他物稱是 御史大夫王鉄有罪賜死縣官簿録鉄太平坊 **契西通志** H

通崇義一日醉歸劉氏與李弇同謀而害之埋於枯井 録見 聞 中其時僕妾華並無所覺惟有鸚鵡一隻在堂前架上 長安城中有豪民楊崇義者妻劉氏與隣舍兒李弇私 檢校鸚鵡忽然聲屈曰殺家主者劉氏李弇也官吏遂 執劉氏及李弇備招情疑府尹具事案奏聞明皇歎訝 人所害府縣官吏莫究其獎後來縣官等再詢崇義家 泊殺崇義之後其妻遂經府陳詞言其夫不歸竊處為

多好四月全書

言三百餘歲京都人甚慕之至於輸貨求丹横經請益 長安完盛時有一 鳳州城南有明相寺佛數尊皆飾以金亂後有貧民刮 可忍必須以物自刮皮盡至肉肉盡至骨而死并敢真 金萬而自給追至時寧金絲已盡於是遍身生癬癢 門如市肆時有朝士數人造其地飲吸方酣有閣者 曰郎君從莊上來欲祭覲俄見一老叟鬢髮如銀昏 ラシ ハエ 封鸚鵡為緑衣使者開元天 一道術人稱得丹砂之妙顏如弱兒 夹马通忘 自

金丘四库全書 联不肯服食丹砂以至於是都未及百歲枯槁如斯 盆於肆外委主書卓英倩李待榮內切婦言縱諸子關 父也好道術者受其誑惑如欺嬰孩矣耳堂 客愈更神之後有人私話道者親故乃云個隻者即其 耄個隻趨前而拜拜記此入中門徐謂坐客曰小兒愚 元載結中人董秀厚啖以金使刺取密旨帝有所屬必 一貨賄擠忠良進貪猥城中開南北二第室宇奢廣當 知之探微端端無不諸契故帝任不疑魚朝恩誅載 Di.

賜死告書 時為冠近郊作觀榭帳部什器不徙而供膏胂列墅疆 炎已日年 八十二 職無不指薛為梯媒載死瑶英自為但妻矣維編元載 書該其醜狀載怒殺少良帝積怒大歷十二年記次載 畛相望名妹異伎雖禁中不逮帝盡得其狀李少良上 父兄與趙娟出入賄賂號為關節天下齊寶貨求大官 生瑶英及載納為姬善為巧媚載感之怠於庶務瑶英 元載寵姬薛瑶英母趙娟本收王爱妾後出為薛氏妻 陕西通志

口相尋但見松離及雙履耳辨疑 受此子污泥不怪也乃脫穢襪塞其口而終蠢話 華山道士明思遠勤修道蘇三十餘年常教人金水分 於萬年縣佛堂子中謁主官乞一快死主者曰相公今 去唯思遠端然閉氣存思俄寫虎所食其徒明日於谷 去思遠無與人同行欲幕於谷口行逢虎其伴驚懼散 云虎不足畏但閉氣存思令十指頭各出一獅子虎即 形之法並閉氣存思師事甚衆永泰中華州虎暴思遠

又令妖人唐郭言廣弘當大貴郭又誘射生將韓欽緒 李廣弘小字較奴自稱萬山僧或許云王孫與其黨王 行魏循李像上變今中官捕之三司覆驗連坐死者百 於智因許以為妃又云戲讀為我擇十月十日與寅舉 明經陸降於廣弘所皆行君臣之禮各有署置廣弘通 李政諫南珍霞及神策將魏循李條前越州參軍李昉 昌至京師有董昌者導廣及舍於資散寺尼智因董昌 灰馬前も ē

具公悉杖殺之難因 有點青者皆災滅之時大寧坊力者張幹割左膊曰生 上言白令里長潜捕約三十餘人悉杖殺屍於市市 强劫至有以蛇集酒家捉羊甲擊人者京兆尹薛元賞 五千召劄工可會腹為山亭院池樹草木鳥獸無不悉 不怕京兆尹右膊曰死不畏閻羅王又有王力奴以錢 上都市肆惡少率髡而膚劄備衆物形狀恃諸軍張拳 元和初天水趙雲客遊鄜時過中部縣縣寮有謝吏擒

金丘四庫全書

友! 百:

挟肢體手指肩髀皆改舊提出風中倏然凝定至於曆 飢食其糟渴飲其汁昏昏幾一月乃出之使人感額接 坑深三丈餘中惟貯酒糟數十斗剥去其衣推雲於中 起謝之其人曰吾望子久矣乃令左右拽入一室有大 某遭罹横罪與君素無警院為君所勸因被重刑雲遠 酒偶酌既而問曰君省相識耶前其月日於中部值君 累月雲出塞行及蘆子關道逢一人要之過其居命 j 四至罪不甚重官寮願縱之雲醉因勸加刑杖之 1.1.1 灰百通ら

多好四庫全書 謟 貞以華原縣為耀州豁為刺史梁太祖圍茂貞於鳳翔 温輪京兆華原人少為盗後事李茂貞為華原鎮将茂 得姦人而覆滅其黨臨刑亦無隱匿云前後如此變改 事密疏示之其弟告於觀察使李銘由是發卒討尋盡 韻亦改以為賤隸會其弟為御史出案靈州獄雲以前 在境內者悉發之取其金實昭陵最固韜從挺道下見 人者數代矣獨 以耀州降梁即以豁為節度使豁在鎮七年唐諸 異 卷一百二

賜死五代史 豁悉取之遂傳人間惟乾陵風雨不可發後求徒他鎮 宫室制度閱麗不異人間中為正寢東西廂列石床床 西京咸宜觀女道士魚玄機字幼緞長安里家女也色 此劫陵賊罪不可赦莊宗遽遣還鎮明宗入洛流德州 遂徙忠武莊宗滅梁韜來朝莊宗待韜甚厚郭崇譜曰 上石函中為鐵匣悉藏前世圖書鍾王筆迹紙墨如新 傾國喜讀書屬文尤致意吟咏咸通初從冠帔於咸宜

銀定四庫全書 後庭座之自謂無人知者有問翹者則曰春雨露逃矣 地曰無天則無所訴若有誰能抑我言記絕於地機坎 高户命翹入卧內訊之裸而笞百數既委頓請盃水酹 師不在而去客乃機素相暖者意翹與之私及夜張燈 爭同夢仙貌長芳又勝花一女僮曰緑翹亦明慧有色 客有宴於機室者因溲於後庭當座上見青蠅數十 或載酒詣之必鳴琴賦詩間以謔浪其詩有雲情自鬱 日機為隣院所邀追暮方歸綠翹曰適其客來知鍊

父己の見とき 於地驅去復來詳視之如有血痕且腥客既出竊語其 僕僕歸復語其兄其兄為府街卒當求金於機機不顧 十五郎者積貨甚多為文所感三年之內家財罄空恥 有處子姓文不記其名居漢中以燒煉為業有富商李 緑翹貌如生卒遂録玄機京兆府吏詰之辭伏朝士多 翹之出入街卒復呼數卒攜鋪具哭入方機院發之而 卒深街之聞此處至觀門現何見偶語者乃訝不觀緑 為言者府乃表列上至秋竟教之小順 陕西通志 拿

得西去遂北入王子山虎随之不離跬步既窘迫遂攀 有成太尉新造一第未居言其空淨遂求主者賃以燒 之自經又有蜀中大将屯兵漢中者亦為所感華陽坊 捕逐者及樹下虎乃徐去遂就樹擒之斬於燒藥之所 枝上樹以帶自縛於喬柯之上虎遠樹咆哮及晚官司 西取桑林路東趙斜谷以脫身出門便為猛虎所逐不 樂因火發焚其第延其一坊掃地而盡文遂夜道欲向

墮在問上及什之見盗鐘者抱鎚整儼然坐於其間即 宗信之左右孫延膺不協宗信因暇日登樓望見蘇鐸 偽蜀王宗信鎮鳳州有角紙人蘇鐸者委之巡警當與 長安城西明寺鐘寇亂之後有貧民偷其銅袖鎚鏨往 已乾枯矣形营 在市銅者亦訝其不來後官欲從鐘於別寺見寺鐘平 竊鑿之日獲一二斤鬻於闕誾如是經年其家忽失所 袍束带似遠行人之狀宗信訝之鐸本歧人也延膺 7 1.1.1 吏馬面む

一到 定四庫全書 臨潼縣驛前有俚婦三子皆售諸過客二為正使一 不明配流廣南人謂無親之報益慢 嫡父自陳升卿大怒聞公決杖元祐中升卿坐市易錢 郎官正使者一田一 其被法之狀一 信大怒立命擒至先斷舌醫內然後斬之及延膺作逆 因諸曰蘇鐸雖受公畜養其如包藏禍心久欲逃去宗 劉原父晚年病日月兒女皆不能認人言永興中 如鐸馬儆戒 劉郎官者縣人田升卿也田登第 表1

内無有也乃儀亦暴死日中武功 張獻忠號八大王延安衛柳樹潤人為府快手不得志 髓及語百姓吾為吏廉士大夫不知也即有弗無我安 武功典史張儀儀封人刻薄校險善虐其民取之及骨 敢昧城隍當使我父子同日横死不踰年果父子同 死壯兵祗候儀宅者是夜未寐見二長鬚人皂衣持鎖 塚墓求古物致此暇 人儀寢兵以為同事者俄傳儀子死兵亟尋持鎖者 H


於己日臣 A. S.

陕西通志

臺

金汽口尼人目 珍賊 減旋 和尚老回回者即馬守應皆綏德人也過天星者張 點燈子清澗人趙四兒也紫金梁者即王自用 去從神 李自成小字磑生米脂人居於懷遠堡之李繼選寨 羅汝才也延安人多智而發賊中號之為曹操延終 綝也綏徳人惠登相者亦號過天星清澗人也曹操 相 **歲應募銀川馬夫夜失道有雙狼引之行給事劉** 題領紅旗為先鋒有力多能同夥咸尊事之 一名王 諸志

所終延緩 **处已日年上島** 姜瓖榆林人明崇禎間掛鎮朔將軍印鎮大同李自成 隊中號八隊陽將自成身不甚長高類深順鴟目鷹身 懋上言裁减驛站自成復無即里中推為里長值催科 甚迫縣令答之加以租自成脫去竄入王左掛子苗美 反膺巨肩後髮際如薑聲似豺而語甚遲緩遠望之猶 以為常後南奔辰州往即落中求食即民擊之不知 所畫鍾馗也性慘酷鉗鑿鎚鋸不離左右斫足剖心 き 陕西通志 重



聖天子至公至當循名覈實之心何詳慎也泰於城中 特命寬其期限務期考據詳明撫採精當無闕無濫以 皇上御極之六年纂修一統志總裁官請 皇上睿思弘遠恐時日太促草率從事 動直省督撫增修志書各将本省名官鄉賢孝子節婦 後序 成完善之書 應事實詳細查核尅期一年保送到館

沙全四車全馬


陕西通志

命到蘭所過西鳳が乾諸屬凡遇山川人物兵屯馬驛 重熙累治化行俗美之時其砥節礪行確有徵據足以 威人心而維風化所當發潛德之幽光者應更不 指不勝屈當此 為形勝之地沃野千里名山大川土宜物産甲於 其事者可不慎數臣於雅正七年奉 可勝數若使淹沒無聞或冒濫失實誰職其咎司 他省又自周以來名卿碩輔賢人君子比肩接跡

簡命署理督篆無經紀西師移駐酒泉不獲親與較讐 とこうえいか 聖天子詳慎之意叮嚀告誠使司其事者務出於公當 見聞不廣終亦無所裨補雍正十年恭膺 建置為疆域為山川為城池為公署為關梁為封 而己十三年春志書告成臣詳加披閱為星野為 諸政靡不究心思欲有所發明或可為修志 之事惟有仰體 幅順遼潤足蹟所至十未歷一又車塵馬足 /#F 俠西通志 助

金分口周至書 俱有定制獨至 蹟為經籍為紀事為徳音為藝文為拾遺為卷有 為驛傳為屯運為水利為鹽法為茶馬為物產為 爵為職官為貢賦為學校為祠祀為選舉為兵防 夫山川土田貢賦物産以及兵屯驛鹽茶馬諸政 為完善之書而所謂詳且慎者或庶乎其有合也 百為類三十有二投其凡例考其紀載雖未敢信 風俗為祥異為帝系為名官為人物為陵墓為古 後序

欽定四庫全書 | 徳政之所涵濡教化之所與起唯願官兹土者人人勉 聖明之世百物繁昌諸政與舉無不起軼前代而况 聖天子陶成樂育之心而成一道同風之盛也是則臣 益升風俗日盆厚淳樸渾穆比戶可封庶幾仰副 為循吏生兹土者人人勉為善良父子勉為孝慈 夫婦勉為節義生聚日益繁土田日益闢才俊日 之所厚望也夫 矣 字 通志



钦定四車全書 一門 聖恩界以總理陝撫重任在職三載於通志 勅修陝西通志告成釐為百卷裝成函帙臣史貽直謹 進恭呈 覽而臣 荷蒙 表上 撫臣碩色奉 會同吏部尚書署理陝西總督臣劉於義陝西巡 陕西通志

御極以來其嘉惠乎西土者不可彈述獨屯衛未完之 皇上賣賜天縱文武聖神參两執中體元續緒 皇恩普被首及三秦湖自 國家統壹四海湛恩雕鴻赫聲濯靈固東震日域而 其後曰 銀米歷有歲年豁西安所屬之錢糧動愈百萬富 監修之責今得過觀厥成臣敬拜手稽首而颺言 西藝月姆矣欽惟我

文色四下上島 恩綸叠沛雅錫輓栗則脚價歲以加增好義樂輸即束 皇恩天高地厚臣不知秦民何脩而得此也伏念臣 皇上軫念民勞 王師西指頻歲軍興 農桑之利而且 浩蕩 草價其價值賞給充運之餘米捐免領借之帑金 徵展課於恤三時耕耨之夫墾畝偷渠永垂萬世 陕西通志 自

皇上特簡率同翰林以下諸臣共五十餘員恭捧 聖諭至陝宣諭化導日親睹泰省之民扶老携幼歡呼 領上諭洵足以格天地而動鬼神矣臣遂於是年八月 天恩叩頭流涕迄今讀所 訓古率皆感激 舞蹈奔走恐後及至跪聆 雍正九年四月以左都御史蒙 とこうらいこう 皇上之爱養秦民者如此其周詳俯悉秦民之感戴 恩深重忝寄封疆仰見 聖恩調臣戸部尚書仍總理西安巡撫並一切軍需事 恩權臣兵部尚書十年冬十一月 恩命臣協同工部侍郎臣馬爾泰辨理陝西巡撫事務 命臣署理陝西巡撫印務又於十一年冬十二月蒙 務臣受 冬十一月復蒙 陕西通志 六

鄭白之饒鹽鐵擅公私之富民風質木而尚義習 禁掩卷踊躍額手稱慶悅然曰此固 斯土者以法而以應舉於鄉者有恒而有物臣 俗 膏沃學校為人材淵數兵防則關塞干城股渠無 夫山川之雄秀疆域之縱横戸口之殷繁原田之 每於辨理政務之餘取通志而參稽考覈馬竊見 剛果而近仁家無驗禮之祀士無畔道之言官

皇上者又如此其忠挚臣敢不風夜冰兢以期報稱

臣

金好四月月香

列聖相承仁漸義摩垂百有餘年而後能若此其威也又 本朝 欽定四軍全書 一門 皇上之深仁厚澤淪肌浹髓如天之覆如地之載如日 沢加以 下均之挺植臣以一介庸愚叠奉 育其子至於如此也宜乎通志所載若是之詳明 月之照臨如雨露之敷施雖秦之慈母亦不能鞠 而大備矣抑臣聞之土無常俗教有定式上之邊 陝西通志 ł

主恩者也别 皇仁進秦民而興咻之訓誨之化其車鄰駟驖之偏而 聖徳仰體 簡命而撫綏其地自愧智不能以 天威震疊西師屢奏捷書計大軍之凱旋匪朝伊夕則 時宜以興起富教皆臣所風夜思維而冀以仰 躋於豐錦二南之盛至於察吏治以整飭官方酌 惟有日宣 理 人材不足以军物 報

文三日日 欽命經筵講官戶部尚書仍暫留西安總理巡撫並 賜進士出身光禄大夫 君父者也故不具赘時 告於 古今訂正其訛闕皆有司者之事而臣不敢以瀆 後效若夫是書之整比網條改發凡例與損益乎 秦民休養生息正在此時臣盆當會自淬磨勉圖 雍正十三年二月初一日 ことう 陜西通志

